

九日集禮 卷二十三 四
廟擇日謁廟而已。**唐**天子加元服則於太極殿成禮。今擬

國朝

皇帝加元服於

奉天殿行禮。

陳設

唐上舍奉御設御冠席於太極殿。守宮設羣臣次於朝堂。大樂令設宮縣於殿庭。鼓吹令設十二案於建鼓之外。乘黃令陳車輅。尚輦奉御陳

輿輦。典儀設版位。奉禮郎設壘洗於阼階。尚舍奉御設席於東房。殿中監陳袞冕服於東房內。席上尚食奉御設醴饌。諸衛勒所部陳設黃麾。仗如常儀。今擬

國朝陳設詳見儀注

執事

晉諸帝將冠。御府令掌奉冕幘。太保掌加幘。太師掌加冕。太尉掌讀祝。侍中掌繫玄紘。常侍掌脫帝絳紗服。加袞服。**唐**皇帝加元服。則尚舍奉

御掌設冠席。守宮掌設次。大樂令掌設樂。鼓吹令掌設十二案樂。典儀掌設百官版位。奉禮掌設門外位。侍中掌奏中嚴外辨。奉禮郎掌設罍洗。殿中監掌陳冕服。尚食奉御掌設醴位。太常博士太常卿掌導駕。通事舍人掌引太師太尉太常掌受冕。太尉掌加帝冕服。太師掌祝辭。殿中監掌徹櫛纒箱。侍中掌進帔巾。今擬

國朝

皇帝加元服執事。詳見儀注。

賓贊

漢獻帝加冠。以司徒淳于加為賓。**東晉**諸帝冠皆以侍中常侍太尉加幘。太保加冕。**唐**天子加元服。則以太尉設纒。太師受冕。今擬

國朝

天子加元服。設太尉設纒。太師受冕。如唐儀。

用樂

古者君冠必以金石之樂節之。**漢**和帝加元服。撞太簇之鐘。**東晉**天子冠。設金石之樂。**唐**天子

加元服。將出。撞黃鐘之宮。奏太和之樂。太師入門。奏舒和之樂。皇帝受觶。奏休和之樂。禮畢。撞蕤賓之鐘。太和之樂。今擬。

國朝

皇帝加元服。和聲郎奏樂。詳見樂書。

醴醑

唐皇帝將加元服。尚舍設莞筵。尚食設醴及饌於東序。皇帝加冕服。訖。太師進醴於御座前。祝曰。甘醴唯厚。嘉薦令芳。承天之休。壽考不忘。祝。

訖。以饌進。皇帝訖。太師取肺以進。皇帝祭肺及祭醴。啐醴。訖。奠於薦東。今擬。

國朝

皇帝加元服。行醴醑禮。詳見儀注。

祝辭

周成王冠。祝雍作頌曰。令月吉日。王始加元服。去王幼志。思弘衮職。欽若昊天。六合是式。率爾祖考。永永無極。**漢**昭加元服。辭曰。陛下搗著先帝之光輝。以承皇天之嘉祐。欽奉仲春之吉辰。

普率大道之郊域。秉率萬福之丕靈。始加昭明之元服。推遠冲孺之幼志。蘊積文武之就德。肅勤高祖之清廟。六合之內。靡不蒙福。承天無極。**唐**大師祝曰。令月吉日。始加元服。壽考維祺。以介景福。今擬

國朝祝辭。或用古辭。或臨時修撰。

見太后

唐皇帝加元服訖。服通天冠。絳紗袍。詣太后所御殿。如常朝見之儀。尚宮引就殿前北面再拜。

訖。尚宮引出還

宮。今擬

國朝

皇帝加元服訖。改服通天冠。絳紗袍。入宮拜謁太后。如正旦儀。

謁廟

周成王冠而朝于祖。**後漢**天子冠訖。皆於高祖廟行謁見禮。**魏**天子加元服訖。別卜日謁廟。**唐**因歷代之制。冠訖。有司卜日躬謁太廟。今擬

國朝

皇帝既加元服。擇日謁太廟。其儀與時祭同。

會羣臣

周制。成王冠。而後見諸臣。漢和帝加元服。訖還宮。朝服以享宴。**魏**天子冠訖。出會羣臣。**唐**開元禮。天子冠。而謁廟之明日。會羣臣。如元會之儀。今擬

國朝

皇帝加元服。見廟之明日。百官具朝服稱賀畢。

錫宴于

謹身殿。並如正至朝會儀。

天子加元服儀注

前期。太史院奉制筮日。工部製冕服。翰林院撰祝文。祝辭。禮部備儀注。中書省承制命某官攝太師。某官攝太尉。既筮日。遣某官奏告天地宗廟。訖。告示文武百官於皇城守宿。至日侵晨。具朝服行禮。前一日。內使監令陳御冠席于

奉天殿正中。設冕服案於

御冠席之南。香案又於

冕服案南。尚寶卿設寶案于香案之南。侍儀司設太師太尉起居位於文樓之南。西向。設文官起居位於太師太尉起居位之後。設武官起居位於武樓之南。設太師太尉拜位於

丹墀內道稍西。北向東上。設太師太尉侍立位於殿上。

御席之西。東向。設盥洗位於

丹陛西階之下。東向內贊二人位於

殿上南楹之左右。東西相向。設文官拜位於

丹墀內道之東。每等異位重行。北面西上。設武官拜位於

丹墀內道之西。每等異位重行。北面東上。設使客位於文官拜位之東。北面西上。殿前班諸執事起居位於武官起居位之北。東向。設侍從班諸執事起居位於文官起居位之北。西向。設宿衛鎮撫二人位於東西陛下。東西相向。護衛百

戶二十四人位于宿衛鎮撫之南稍後東西相向。典牧所官二人位于乘馬之前東西相向。知班二人位于文武官拜位之北東西相向。通贊典禮二人位于知班之北東西相向。通贊在西方贊禮在東。引太師太尉二人位于太師之北。西立東向。引文武班四人位于文武官拜位之北稍後東西相向。引殿前班二人位于引武班之南。引使者二人位于引文班之南。設殿前班指揮司官三員侍立位于

丹陛上之西。東向。光祿官三員位于

丹陛上之東。西向。拱衛司官位于殿門之左右。東西相向。文官侍從班起居注給事中殿中侍御史尚寶卿位于殿上之東。西向。武官侍從班懸刀指揮位于殿上之西。東向。護衛千戶八人位于殿東西門之左右。東西相向。典儀二人位于

于
丹陛上之南。東西相向。鳴鞭四人位于丹陛上。北向。將軍二人位于殿上簾前之左右。將

軍六人位于殿門之左右。將軍四人位于丹陛上之四隅。將軍六人位於

奉天門之左右。東西相向。是日侵晨。金吾衛陳設甲士於

午門外之東西。陳五輅於

丹墀之南。北向。典牧所陳仗馬於文武樓之南。東西相向。陳虎豹於

奉天門外。東西相向。協律郎陳樂於

丹墀。文武官之南。擊鼓初嚴。催班舍人催文武

百官具朝服。擊鼓次嚴。引班引文武官各依品從齊班于

午門外。以北為上。東西相向。通班贊禮。知班典儀。內贊宿衛鎮撫。鳴鞭殿內。將軍殿外。將軍俱入就位。引班引殿前班指揮光祿卿各依品從。序立於起居位。東西相向。諸侍衛官俱具服。其器服及尚寶卿侍從官入詣

謹身殿候迎。擊鼓三嚴。引班引文武官以序入。就起居位。引使客立於文班之後。侍儀版奏外

辦御用監令奏請

皇帝服空頂幘。雙童髻。雙玉導。絳紗袍。御輿以出。侍衛導從警蹕如常儀。

皇帝將出。仗動和聲。郎作樂。太常博士引太常導至。

奉天殿。即御位。樂止。捲簾。鳴鞭。鷄唱報時訖。拱衛司官由殿西門出降西階。引班引入起居位。通班唱各恭事。殿前班侍從班及諸執事各就本位。引禮引太師太尉先入就拜位。引班引文

武官俱入就

丹墀拜位。知班唱班齊。典儀唱拜。贊禮唱鞠躬。樂作。拜興。拜興。拜興。平身。太師太尉及文

武官皆鞠躬拜興。拜興。拜興。平身。樂止。引禮引太師先詣盥洗位。西向立。引禮唱搯笏盥手。太師搯笏盥手。引禮唱悅手。司巾以巾進。太師悅手訖。引禮唱出笏。太師出笏。引禮引太師由西陛升。引禮退就本位。太師至殿西門內。贊接引至。

御席西東向立。引禮復引太尉詣盥洗位西向立。引禮贊搯笏盥手。太尉搯笏盥手。引禮贊悅手。司中者以巾進。太尉悅手。引禮贊出笏。太尉出笏。引禮引太尉由西陞升。引禮退復位。太尉至殿西門內。贊接引入立於太師之南。侍儀跪奏。請加元服。退復位。太尉進就皇帝席前少右。跪搯笏。脫空頂幘以授內使。內使跪受幘興。置於櫛箱。櫛畢。設纁。出笏興。退立於西。太師進至。

御前北向立。內使監令就案取冕立於太師之左。太師祝曰。令月吉日。始加元服。壽考維祺。以介景福。內使監令奉冕跪授太師。太師搯笏跪受冕。加冠。加簪纓訖。出笏興。退立於西。內使監令徹櫛纁箱。御用監令跪奏。請皇帝著袞服。

皇帝興著袞服訖。侍儀跪奏。請就御坐。內贊贊進醴。樂作。太師進就

御座前北面立。光祿卿奉酒進授太師。太師搯

笏受酒至

御前北面祝曰。甘醴惟厚。嘉薦令芳。承天之休。壽考不忘。祝訖。跪授內使。內使跪受酒。捧進皇帝。

皇帝受酒。祭少許。啐酒訖。以虛盞授內使。樂止。內使受盞。降授太師。太師受盞。興。以授光祿卿。光祿卿受盞。退。太師出笏。退復位。內贊引太師。太尉出殿西門。樂作。降自西階。引禮接引就丹墀。拜位立定。樂止。引禮退復位。典儀唱拜。贊

禮唱鞠躬。拜興。拜興。拜興。平身。太師太尉及文武官皆鞠躬。樂作。拜興。拜興。拜興。平身。樂止。贊禮唱。搢笏。鞠躬。三舞蹈。跪_{三拱手}加額。山

呼。山呼。再山呼。太師太尉文武百官皆鞠躬。拜興。拜興。拜興。拜興。平身。再山呼。出笏。就拜興。平身。典儀唱鞠躬。樂作。贊禮唱拜興。拜興。拜興。拜興。平身。樂止。典儀唱禮畢。侍儀奏禮畢。

皇帝興。樂作。警蹕。侍從導引入宮。樂止。引禮引太師太尉及文武百官以次出。

皇帝見

太后

其儀見朝會篇。

謁廟

其儀見宗廟篇。

會羣臣

其儀見朝會篇。

天子加元服圖

文官拜位

引班

樂

文官

武官拜位

引班

引禮

集禮卷三十三 十六

典義

典義

國家圖書館, NATIONAL CENTRAL LIBRARY, TAIWAN, R.O.C.

大明集禮卷二十三上



內贊

內使

禮部 禮部 禮部 禮部

禮部

內使

太師

太尉

內贊



洗盥

大明集禮卷二十三下

嘉禮

皇太子加元服

總序

孔子曰世子冠於阼以著代也醮於客位加有成也三加彌尊喻其志也冠而字之敬其名也雖天子之元子猶士也其禮無變天下無生而貴者故也唐開元禮皇太子冠臨軒以命賓贊黃門侍郎執節授賓賓拜受節中書侍郎取制

書授賓。賓拜受制。詣東宮。宗正卿入見皇太子。而後迎賓。賓詣殿稱制行禮。**宋**皇太子冠。天子御文德殿。賓贊承制。太子即席。三加禮畢。醴而字之。左輔復宣勅以戒。此不命有司。天子自為主。而制命賓贊行事也。今擬

國朝

皇太子加元服。參用**周**文王成王冠禮之年。近則十二。遠則十五。天子自為主。設

御座於殿庭。設冠席於殿之東壁。擇三公太常為賓贊。三加冠。一祝醴。祝辭醴辭字辭悉放周制。爰舉歷代之制。悉著于篇。

筮日

儀禮。筮日於太廟。**漢**宣帝冠太子。擇正月甲子丙子行事。**唐**太子加元服。卜日於太廟南門外。太常卿太卜令等官各具公服。布筮席。開櫝出策而筮。**宋**皇太子將冠。前期。大史筮日。今擬

國朝

皇太子加元服。命太史監筮日。

奏告

古者太子冠。必先告廟。**北齊**皇太子加元服。則大尉以制幣告七廟。**隋**皇太子將冠。其日質明。有司告廟。**唐**皇太子將冠。先告太廟。如常告之儀。今擬

國朝

皇太子加元服。遣官具特牲告廟。行一獻禮。其儀見宗廟篇。

冠服

北齊皇太子加冠服。空頂幘。公服。加進賢三梁冠。再加遠游冠。**隋**皇太子加元服。皇帝袞冕。有御坐。皇太子服空頂幘。遠游冠。加緇布冠。再加遠游冠。三加袞冕。**唐**皇太子加元服。初服空頂黑介幘。雙童髻。玉導寶飾。綵衣。加緇布冠。再加遠游冠。三加袞冕。**宋**皇太子冠。初加折上巾。再加遠游冠。十八梁。三加袞冕。今擬

國朝

皇太子加元服。一加折上巾。再加遠游冠。三加衮冕。其制見冠服篇。

加數

家語。天子之元子冠。擬諸侯之冠。四加。**魏**太子冠。再加。**宋**冠皇太子以一加。**北齊**皇太子冠。再加。**隋**復用三加之禮。**唐****宋**因**隋**制。皇太子冠皆三加。今擬

國朝

皇太子冠。用三加之禮。詳見儀注。

賓贊

儀禮。冠必有賓。**晉**惠帝為太子。將冠。命司徒高陽王珪為賓。屯騎校尉華廙為贊。冠。**唐**皇太子加冠。命司徒為賓。**宋**皇太子冠。以禮部尚書為掌冠。鴻臚卿為贊。冠。今擬

國朝

皇太子加元服。命三公一人為賓。掌冠。太常卿為贊。冠。

陳設

唐皇太子冠前一日尚舍奉御設御幄於太極殿衛尉設羣官及朝集使次於左右朝堂大樂令設宮懸於殿庭鼓吹令設十二案乘黃令陳車輅尚輦奉御陳舉輦衛尉設賓贊次奉禮設文武羣官及宮臣位與儀設皇太子受制位有司設皇太子羽儀車輿於殿上東壁下三師三少席於冠席之左右設賓席於西階內直郎陳服於帷內良醞令太官令奉醴饌諸衛勒所部陳設麾仗宋政和四年皇長子冠設御坐於文

德殿殿上前楹施簾設香案於殿下大晟展宮架之樂於殿庭街南設掌冠贊冠應行禮官東宮官次於朝堂之內陳大輦於殿西階下列御馬於殿門外列黃麾細仗於殿庭設皇太子朝見位設掌冠贊冠受制位設左輔承制宣制位設皇太子冠席褥位陳服于席南設盥洗於阼階東設醴席于西階上實側尊于席南饌設于席今擬

國朝

陳設詳見儀注。

執事

晉司徒加冠。光祿大夫校尉贊冠。唐司徒為賓。卿為贊。典謁掌引羣官。通事舍人掌引宗正卿。賓贊三師三少。左庶子掌版奏中嚴外辦。洗馬掌迎導。少傅掌受制書。贊冠者掌脫幘擲纒。今擬

國朝

皇太子加元服。諸執事者詳見儀注。

樂

唐皇太子冠。皇帝出。大樂令撞黃鐘之鐘。入。撞蕤賓之鐘。協律郎俱奏太和之樂。皇太子冠。自始至終。樂作凡五。宋皇太子冠。皇帝出。仗至降殿。大樂正令撞黃鐘之鐘。及蕤賓之鐘。協律郎奏乾安肅安等樂。皇太子就冠。席及加冠。奏欽安順安等樂。今擬

國朝

皇太子加元服。和聲郎奏樂。詳見樂書。

醴醕

大明集禮 卷二十三 三十一
儀禮加冠畢。乃筵于戶西而受醴。若不醴。則醮用酒。**唐**皇太子冠訖。贊冠者洗解。典膳郎酌醴。贊冠者受醴。以授賓。賓進于皇太子。祝訖。皇太子受解。祭醴。啐醴畢。奠解於薦。**宋**皇太子冠訖。即醴席。贊冠者取爵。內侍以酒注爵。掌冠者跪進皇太子祝畢。太子受爵。啐酒如唐儀。今擬

國朝

皇太子加元服。訖行醴醮禮。詳見儀注。

祝辭

加冠而祝之。**周**制也。**齊**南郡王昭業冠。祝辭曰。筮日戒賓。肇加元服。棄而幼志。從厥成德。親賢使能。克崇景福。**唐**皇太子加元服。祝辭曰。令月吉日。始加元服。棄厥幼志。順其成德。壽考惟祺。以介景福。再加曰。吉月令辰。乃申嘉服。克敬威儀。式昭厥德。眉壽萬年。永受祺福。三加曰。以歲之正。以月之令。咸加爾服。以成厥德。萬壽無疆。承天之慶。**宋**祝辭曰。咨爾元子。肇冠于阼。筮日擇賓。德成禮具。於萬斯年。承天之祐。再加祝曰。

爰即令辰。申加元服。崇學以齒。三善皆得。副余一人。受天百福。三加辭曰。三加彌尊。國本以正。無疆惟休。有室大競。懋昭厥德。保茲永命。今擬國朝祝辭。或用古辭。或臨時撰述。

醮辭

禮。醮而祝之。以成德也。齊武帝命太常武安侯蕭惠本加南郡王冠。醮酒辭曰。旨酒既清。嘉肴既盈。兄弟具在。泝慎儀形。永永眉壽。於穆斯寧。唐冠皇太子祝醴辭曰。甘醴惟厚。嘉薦令芳。拜

受祭之。以受厥祥。承天之休。壽考不忘。宋祝辭曰。旨酒嘉薦。有飴其香。拜受祭之。以定爾祥。令德壽考。日進無疆。今擬

國朝醴醮

皇太子祝辭。或用古辭。或臨時撰述

字辭

儀禮。冠者立於西階東。南面。賓字之。唐太子冠醮訖。降自西階。至于西階之東。立定。賓少進。字之。曰禮儀既備。令月吉日。昭告厥字。君子攸宜。

宜之于嘏永受保之。**宋**皇太子冠訖醴醮醴醮
訖。易朝服立御殿前丹墀拜位。賓贊詣皇太子
位前稍東。西向。賓少進字之。曰。始生為名。為實
之賓。既冠而字。以益厥身。永受保之。承天之慶。
奉勅字某。今擬

國朝

皇太子字辭臨時撰述。

會賓贊

儀禮冠畢。醴賓以一獻之禮。酬賓以束帛儷皮。

唐制冠訖。賓贊及宗正出。就會所行酒。設會訖。
執事者奉束帛之篋。授宗正卿。宗正卿以授賓。
又執事者奉束帛進。授贊冠者。賓贊降出門外。
俱揖而退。今擬

國朝

皇太子冠訖。會賓贊。詳見儀注。

朝謁

禮冠訖。見母。**唐**皇太子冠訖。皇帝出更衣還宮。
皇太子從至闕。因入見皇后。再拜而退。**唐**皇太

子冠訖。詣皇帝所御殿北向立。再拜。侍中宣勅戒曰。事親以孝。接下以仁。使人以義。養人以惠。訖。皇太子再拜。少進。稱臣雖不敏。敢不祗奉。又再拜。拜訖。詣皇后所御殿再拜。尚儀稱令旨。皇太子再拜。宣令戒之。辭如前。太子進。稱曰。臣夙夜祗奉。不敢失墜。又再拜。退。宋皇太子冠訖。左輔宣勅戒曰。事親以孝。接下以仁。遠佞近義。祿賢使能。古訓是式。大猷是經。暨訖。皇太子俛伏。跪奏稱臣。雖不敏。敢不祗奉。奏訖。禮畢。皇太子

入內朝見皇后如宮中之儀。今擬

國朝

皇太子於

奉天殿

御前冠訖。朝謁

皇后。其禮詳見儀注。

謁廟

晉惠帝以正月丙午。冠太子訖。乃廟見。北齊冠皇太子禮畢。擇日謁廟。唐冠皇太子禮成。別日

齋宿設儀衛謁廟。宋皇太子冠禮畢。擇日謁太廟別廟。今擬

國朝

皇太子加元服訖。擇日謁廟。

羣臣稱賀

齊南郡王冠。其日百官詣公車門集賀。并詣東宮南門通牋。唐皇太子冠訖。文武百官班位於東朝堂稱賀。賀錄上禮。宋皇太子冠訖。羣臣朝賀上禮。今擬

國朝

皇太子冠訖。百官具朝服詣奉天殿稱賀。禮畢。易公服詣東宮稱賀。

會羣臣

唐皇太子冠。見廟之明日。皇帝會羣臣如元會之儀。羣臣上壽。今擬

國朝

皇太子冠訖。見廟之明日。百官稱賀訖。錫宴。其

儀見朝會篇。

會宮臣

北齊皇太子冠訖。擇日會宮臣。**唐**開元禮。皇太子冠。見廟之明日會宮臣。如常會之儀。宮臣上壽。今擬

國朝

皇太子冠訖。宮臣詣

東宮稱賀畢。錫宴。其禮見朝會篇。

宮臣朝賀

齊武帝孫南郡王昭業冠。宮臣亦詣門稱慶。如上臺之儀。**唐**皇太子冠訖。詹事以下官集東宮南門之左稱賀上禮。今擬

國朝

皇太子冠訖。宮臣稱賀如常儀。詳見朝會篇。

皇太子加元服儀注

前期大史監承

制筮日。工部製衮冕。遠游冠。折上巾。服翰林院撰祝文。祝辭。禮部備儀注。中書省承

制命某官為賓某官為贊既筮日遣官奏告
天地宗廟禮部告示文武百官於

皇城守宿至日侵晨具朝服行禮前一日內使
監令陳

御座香案于

奉天殿中侍儀設

皇太子次于

奉天殿之東房設賓贊次于

午門外設

皇太子拜位于

丹陛上正中又設賓贊受

制位于

皇太子位之稍西北東向設承

制官位于

御座之東西向又設承

制官宣

制位于

皇太子位之東北西向設賓贊拜位于內道之

東。北面西上。設文官拜位於

丹墀內道之東。每等異位重行。北面西上。設武官拜位於

丹墀內道之西。每等異位重行。北面東上。設使客位於文官拜位之東。北面西上。設殿前班諸執事起居位於武官起居位之北。東向。設侍從班諸執事起居位於文官起居位之北。西向。設宿衛鎮撫二人位於東西陛下。東西相向。護衛百戶二十四人位於宿衛鎮撫之南。稍後。東西

相向。典牧所官二人位於乘馬之前。東西相向。知班二人位於文武官拜位之北。東西相向。通贊典禮二人位於知班之北。東西相向。通贊在。西。贊禮在東。引太師太尉二人位於太師之北。西立東向。引文武班四人位於文武官拜位之北。稍後。東西相向。引殿前班二人位於引武班之南。引使者二人位於引文班之南。設殿前班指揮司官三員侍立位於丹陛上之西。東向。光祿寺官三員位於

丹陛上之東。西向。拱衛司官位於殿門之左右。東西相向。文官侍從班。起居注。給事中。殿中侍御史。尚寶卿位於殿上之東。西向。武官侍從班。懸刀指揮位於殿上之西。東向。護衛千戶八人位於殿東西門之左右。東西相向。典儀二人位於於

丹陛上之南。東西相向。鳴鞭四人位列於丹陛上。北向。將軍二人於

殿上簾前之左右。將軍六人位於殿門之左右。

將軍四人位於

丹陛上之四隅。將軍六人位於

奉天門之左右。東西相向。是日侵晨。金吾衛陳設甲士於

午門外之東西。擊鼓於門外之中道。列旗仗於奉天門外之東西。陳五輅於

丹墀之南。北向。典牧所陳仗馬於文武樓之南。東西相向。陳虎豹於

奉天門外。東西相向。協律郎陳樂於

丹墀文武官拜位之南。執事官設罍洗於東階東南。罍在洗東。篚在洗西。內使監設

皇太子冠席於殿上東南。西向設醴席於西階上。南向張帷幄於東序內。設褥席於帷中。又張帷於序外。御用監陳服於帷內。東領北上。衮服九章。遠游冠。絳紗袍。折上巾。絳紗袍。緇纁犀簪。二物同箱。在服南。擲實於箱。又在南。司尊實醴於側尊。加勺。幕設於醴席之南。設坫於尊東。置二爵於坫。進饌者實饌。設於尊北。諸執事者皆

立於其所。冕九旒。遠游冠十八梁。折上巾。冠冕各一箱。盛執事官各執立於階之西。東面北上。擊鼓初嚴。催班舍人各催文武官具朝服。擊鼓次嚴。引班。引文武官依品從齊班於

午門外。以北為上。東西相向。通班贊禮。知班典儀。內贊。宿衛鎮撫。護衛。鳴鞭。殿內外將軍俱入就位。引禮引賓贊入立於

奉天門外道。東西相向。東官官以下導。從皇太子至殿門外。贊禮同太常博士引

皇太子詣

奉天殿東房訖。引班引殿前班指揮光祿卿諸侍衛官各服其器服。及尚寶卿侍從官入詣。謹身殿奉迎。擊鼓三嚴。引班引文武官以序入。就起居位。侍儀版奏外辦御用監奏請。皇帝服通天冠絳紗袍。御輿以出。侍衛導從警蹕如常儀。

皇帝將出。仗動。陞

御座。將軍捲簾。鳴鞭。司晨鷄唱訖。引禮引賓贊

入就位。立定。贊禮唱鞠躬。樂作。拜興。拜興。拜興。拜興。平身。賓贊及文武百官皆鞠躬。拜興。拜興。拜興。拜興。平身。樂止。侍儀詣御座前承

制。降自東階。詣賓前稍東。西向。稱有勅。贊禮唱跪。承傳通唱。在位官皆跪。侍儀宣制曰。

皇太子冠。命卿等行禮。宣

制。訖。贊禮唱俯伏。興。拜。興。拜。興。拜。興。平身。

文武侍從班起居注給事中殿中侍御史尚寶
卿陞殿立於殿上之東西向武官侍從班懸刀
指揮陞殿立於殿上之西東向引禮引賓贊及
應行禮官詣東階下位立定東宮官入詣

皇太子東房次太常博士亦詣東房引

皇太子入就冠席內侍二人夾侍東宮官後從

皇太子初行樂作即席西南向樂止引禮引賓

贊以次詣盥洗樂作搯笏盥手悅手訖出笏樂

止升自西階執折上巾者升賓降一等受之右

執項左執前進

皇太子席前北面祝畢乃跪冠樂作賓興席南

北面立贊冠者進席前北面跪正冠興立於賓

之後內侍跪進服服訖樂止賓揖

皇太子復坐引禮引賓贊降詣盥洗如上儀贊

冠者進席前北向跪脫折上巾置于箱興授內

侍內侍跪置于席執遠游冠者升賓降二等受

之右執項左執前進

皇太子席前北向立祝畢乃跪冠樂作賓興席

南北面立。贊冠者進席前北面跪。簪結紘。興立於賓後。

皇太子興。內侍跪進服。服訖。樂止。賓揖。

皇太子復坐。引禮引賓贊降。詣罍洗。如上儀。贊冠進席前北向跪。脫遠游冠。置于箱。興授內侍。內侍受。置于席。執衮冕者升。賓降三等受之。右執項。左執前進。

皇太子席前北向立。祝畢。乃跪冠。樂作。賓興。席南北面立。贊冠者進席前北面跪。簪結紘。興立。

於賓後。

皇太子興。內侍跪進服。服訖。樂止。太常博士引

皇太子降自東階。樂作。由西階升。即醴席南向

坐。樂止。引禮引賓詣罍洗。樂作。搯笏盥手。悅手

訖。出笏升西階。樂止。贊冠者取爵盥爵。悅爵。詣

司尊所酌醴。授賓。賓受爵。跪進于

皇太子席前。北向祝畢。

皇太子搯圭。跪受爵。樂作。飲訖。奠爵。執圭進饌

者奉饌設於

皇太子席前。

皇太子搢圭。食訖。執圭興。執事官徹爵與饌。太常博士引。

皇太子降自西階。詣殿門東房。易朝服。訖詣丹墀。拜位。北向。東宮官屬各復拜位。

皇太子初行。樂作。至位。樂止。引禮引賓贊詣

皇太子位。稍東。西向。賓少進。字之。辭畢。奉勅字某。太常博士啓。

皇太子再拜。典儀唱鞠躬。拜興。拜興。跪聽宣勅。

畢。就拜興。拜興。平身。太常博士引。

皇太子進。

御座前。俛伏。跪奏稱臣。不敏。敢不祇奉。奏畢。復位。侍立。官並降殿。復拜位。典儀唱鞠躬。拜興。拜興。拜興。拜興。承傳唱在位。官以下皆拜。鞠躬。拜興。拜興。拜興。拜興。平身。侍儀奏禮畢。贊禮承傳唱禮畢。

皇帝興。樂作。警蹕。侍從導引。如來儀至。謹身殿。樂止。內給事導。

皇太子入內朝見
皇后如朝正之儀。引禮引賓贊引班引東宮官
及文武百官以次出。

明日謁廟

其日陪祭官先赴廟庭東西位北向立。

皇太子服袞冕執圭。太常博士導。

皇太子由南門入就廟庭前褥位北向立。太常
博士啓。


皇太子再拜。典儀唱鞠躬拜興。平身。承傳

唱陪位官皆拜鞠躬拜興。太常博士啓請
皇太子升殿東階詣神位香案前褥位北向立。
太常啓。

皇太子上香。上香。三上香。訖復位。又啓。

皇太子鞠躬拜興。平身。贊禮承傳陪位官
皆拜鞠躬拜興。平身。典儀啓禮畢。承傳唱
禮畢。儀仗導。

皇太子還宮如來儀。



皇太子冠圖

集禮卷二十三 三十八

百官拜位

寶贊

百官拜位

國家圖書館, NATIONAL CENTRAL LIBRARY, TAIWAN, R.O.C.

陳服

皇太子次

冠席

官制


皇太子

禁書

豐席

大明集禮卷二十三下

御座



國家圖書館, NATIONAL CENTRAL LIBRARY, TAIWAN, R.O.C.



大明集禮卷二十四

嘉禮八

親王冠禮

總敘



親王。即周之同姓諸侯。漢之諸侯王也。漢室冠諸侯。遣使行事。魏氏冠諸王。用三加禮。晉議冠南宮王。不復加使命。冠汝南王。復用漢遣使之儀。劉宋冠蕃王。齊冠南郡王。止一加。唐制親王冠於廳事。主人行禮。天子不自為主。止稱賓贊。



無臨軒遣命之文。三加三醮並同於士。**宋**皇子
楷冠於文德殿。天子自為主。不命有司。陳設儀
如皇太子。但皇太子冠席西向。而皇子席南向。
皇太子醮於客位。而皇子醮於冠席。為異耳。其
加冠醴醮皆約士禮而為之也。今擬

國朝親王之冠皆

天子自為主。其陳設儀同

皇太子。

筮日

儀禮筮日。筮賓士冠禮也。**唐**開元禮。諸王冠並
筮日於太廟南門外。又本司帥其屬筮日於廳
事。太卜令正占者各服公服。布筮席。開櫝出策
致祭。**宋**制。前期太史局擇日。今擬
國朝前期太常司關太史監擇日。

告廟

五禮精義。皇帝加元服。告天地宗廟。皇子冠獨
告廟。示親也。亦尊先祖之意。**宋**皇子楷冠。前期
擇日。差官奏告景靈東西宮。文德殿陳設如冠

皇太子儀。今擬

國朝

親王冠。遣官告廟行一獻禮。

冠服

魏氏冠。親王初加皮弁。次長冠。次進賢冠。**唐**親

王冠。初服雙童髻。出加緇布冠。再加遠游冠。三

加衮冕。**宋**皇子冠。初加折上巾。再加七梁冠。緋

羅大袖衫。三加九旒冕。青衣朱裳九章。今擬

國朝

親王冠。一加折上巾。再加七梁冠。三加九旒冕。

加數

魏冠。諸王用三加禮。**劉宋**冠。蕃王其儀止一加。

唐三加。三醮。並同於士。**宋**政和五年。皇子楷冠

三加。今擬

國朝

親王冠。同**唐****宋**用三加禮。

賓贊

儀禮有筮賓宿贊冠之儀。**唐**制前三日。本司帥

其屬筮日筮賓於廳事訖。主人至賓第告賓遣使戒贊冠者。**宋**冠皇子。太常為掌冠。閤門為贊冠。乃行事。今擬

國朝冠

親王。前期選禮部太常司官有德望者奏聞為賓贊行事。

樂

唐親王冠如士禮。無樂。**宋**皇子冠。以開元開寶太子加元服有樂。親王無樂。乃增用大晟樂。今

擬

國朝

親王冠。

天子自為主。必當用樂。同

皇太子冠用樂。

醴醮

古者冠嫡子于東序。冠庶子于序之外。醴適子于戶。西醴庶子于冠之所。所以明醴醮之位不同也。**唐**制。每一加冠訖。進立於席後南面。賓詣

酒尊所取爵酌酒進冠筵前北面祝之。**宋**皇子冠訖贊冠者跪取爵內侍以酒注于爵掌冠受爵跪進皇子席前北面立祝之。今擬

國朝

親王三加冠賓三進爵于冠席前北向祝。倣唐**宋**制。

祝辭

唐親王加冠祝辭曰。旨酒既清嘉薦曾時始加元服兄弟具來孝友時格永乃保之再加祝曰。

旨酒既清嘉薦伊脯乃申其服禮儀有序祭此嘉爵承天之祐三加祝曰旨酒令芳籩豆有楚咸加其服希升折俎承天之慶壽福無疆。**宋**皇子冠初加曰酒醴和旨籩豆靜嘉受爾元服兄弟具來永言保之降福孔皆再加曰賓贊既戒穀核惟旅申加厥服禮儀有序永觀爾成承天之祐三加曰旨酒嘉粟甘薦令芳三加爾服眉壽無疆永承天休俾熾而昌。今擬

國朝祝辭同。

醴辭

唐醴辭同祝辭。開元禮。太子冠而後醴。醴而不醮。親王冠。每一加一醮。**宋**冠皇子同**唐**制。今擬**國朝**醴辭同。

字辭

唐親王冠字之辭曰。禮儀既備。今月吉日。昭告爾字。爰字孔嘉。君子攸宜。宜之于嘏。永受保之。曰伯某甫。**宋**字皇子之辭曰。歲日云吉。威儀孔時。昭告厥字。君子攸宜。順爾成德。永受保之。奉

勅字某。今擬

國朝字辭行禮臨時奏聞取旨。

陳設

執事

並同

皇太子加元服儀。

會賓贊

唐親王冠訖。賓出。主送於內門外。請禮賓。賓辭不獲。乃就次。改設席。會訖。主授幣。賓受之。掌事又以幣授贊冠者。賓主再拜。賓退。主入。今擬

國朝

親王冠訖。禮會賓贊見儀注。

朝謁

唐親王冠訖。詣闕至次。著朝服。通事舍人引詣皇帝所御殿。近臣奉即御座。引皇子立於階間。北面再拜。近臣引皇子至皇后殿閣外附奏。皇后即御座。司言至閣。引皇子立於階間。北面再拜。司言引出閣。**宋**皇子冠。帝自為主。冠訖。已躬受帝訓戒。惟入內朝見皇后如宮中儀。

國朝

親王冠禮畢。內給事引入於

御座前。禮畢。內給事引入

內朝見

皇后。如宮中儀。

謁東宮

冠禮。成人之道也。責成人之禮也。將責為人子。為人臣。為人弟。為人少者之行也。今擬

國朝

大明集禮 卷二十四
親王冠訖朝服謁

東宮。詳見儀注

謁廟

古者冠於廟。所以尊重事。所以自卑而尊先祖也。禮成之明日。朝服謁廟。示有尊也。今擬

國朝

親王冠畢。擇日謁廟。

羣臣稱賀

會羣臣

其禮同

皇太子加元服。

王府官賀

會王府官

其禮同。正旦賀錫宴。

陳服

冠弁

親

黻

親

御

品官冠禮

總敘

後世所謂品官蓋即古之大夫也。古之大夫無冠禮。大夫五十而後爵。何冠禮之有。其冠也。則服士服。行士禮而已。自唐至宋。品官冠禮悉倣士禮而增益之。至於冠制。則一品至五品。三加俱用冕。六品而下。三加用爵弁焉。今著品官之儀。始加緇布冠。再加進賢冠。三加爵弁。以為

國朝品官通行之制。

國家圖書館, NATIONAL CENTRAL LIBRARY, TAIWAN, R.O.C.

筮日

唐開元禮。五品以上嫡子筮於廟門外。無廟筮於正寢之堂。**宋**制。三品以上之子將冠筮於廟門之外。無廟者筮於正寢之堂。主人公服立於門東。西面。無廟者於堂上兩楹間。近東西向。掌事者各服其服。布筮席。筮者開櫝出策。執之。受命於主曰。為某子某日加冠。庶幾從之。筮者諾。釋櫝坐。筮訖。降席稱占曰。從筮者退。若不吉。則筮遠日如初儀。

陳服器

唐開元禮陳衣。一品衮冕服九章。五章在衣。龍山華蟲。火宗彝。四章在裳。藻粉米。黼黻二品。鷩冕服七章。三章在衣。華蟲。火宗彝。四章在裳。藻粉米。黼黻。三品毳冕服五章。三章在衣。宗彝。藻粉米。二章在裳。黼黻。四品絺冕服三章。一章在衣。粉米。二章在裳。黼黻。五品玄冕衣無章。裳刺黼一章。六品以下。爵弁服青衣。纁裳。七品以下。進賢冠。緇布冠。三品以上。完筵。四加藻席。四品

五品蒲筵四。加萑席。六品以下。蒲筵四。不加萑席。一品以下。側尊。甒醴在服北。加勺。罍設於尊北。四品尊北。實角。觶角。各一。加罍。饌陳於坫北。四品以下。無坫。同設醴。庶子尊於房戶外之西。兩甒。玄酒在酉。加勺。罍設於尊東。置二爵於坫。加罍。饌陳於服北。一品。俎三。籩十。豆十。三品八。四品五。五品六。六品以下。用特牲。**宋**制。一品至六品以下。冠冕之制同開元。

加冠

唐開元禮。一品至五品行冠禮。初加緇布冠。再加進賢冠。三品以上。進賢冠。三梁。纓青。綏導。四品五品。以兩梁。六品以下。一梁。三加冕。一品。衮冕。二品。鷩冕。三品。毳冕。四品。緋冕。五品。犀冕。六品以下。用之。**宋**制如開元。

賓贊

唐開元禮。前三日筮賓。如筮日之儀。賓謂可使冠子者。故筮之。**宋**制。三品以上。嫡庶冠筮賓。其儀同筮日。又戒賓宿賓。皆主冠者自行禮。有故聽以函書戒宿。戒宿贊冠者亦如之。

樂

五禮精義云。戴禮云。冠無樂。春秋傳云。必以金石之樂節之。許慎云。人君飯舉樂而冠無樂。非禮意也。故今用正樂為節。今擬品官子冠皆用時俗樂。

醴醮

唐開元禮。三加畢。冠者著服出房戶西南面立。賓主俱興。主者贊冠者盥手洗解於房。酌醴加。柶覆之。面葉出房南面立。賓揖冠者。冠者就筵。

西南面立。賓進受醴於室戶東。西柶面柶進冠者筵前。北面立祝之。冠者筵西拜受解。宋因其制。

祝辭

唐開元禮。三加祝辭。百官自一品至九品祝辭同。始加祝曰。令月吉日。始加元服。棄爾幼志。順爾成德。壽考維祺。介爾景福。再加曰。吉月令辰。乃申爾服。敬爾威儀。淑慎爾德。眉壽萬年。永受胡福。三加曰。以歲之正。以月之令。咸加爾服。凡

弟具在。以成厥德。黃耆無疆。受天之慶。**宋**因其制。

醮辭

唐開元禮。一品以下嫡子三加冠後。酌醴以禮之。其祝辭云。甘醴惟厚。嘉薦令芳。拜受祭之。以定爾祥。承天之休。壽考不忘。其庶子則醮而不醴。三加三醮。皆用士禮之醮辭。**宋**通禮因之。

字辭

唐制。一品以下字辭云。禮儀既備。令月吉日。昭

告爾字。爰字孔嘉。髦士攸宜。宜之于嘏。永受保之。曰伯某甫。**宋**三品以下悉因其制。

冠者見母

唐開元禮。自一品以下。冠者升筵跪。解奠於薦東。興進北面跪。取脯降自西階。入見母。進奠脯於薦前。退再拜以出。冠者母不在。則使人受脯于西階下。**宋**通禮三品以下因其制。

謁廟

唐開元禮。明日。冠者朝服見廟。無廟者見祖禰

於寢質明贊禮者引入廟南門中庭道西北面。賓贊再拜訖引出六品以下。見祖禰於正寢冠者公服陳几筵於正寢贊禮引至庭北面再拜。
宋制如開元。

冠儀

前期擇日主者告于家廟無廟則告于祠堂北面再拜。告云某之子某年漸長成將以某月某日加冠於其首謹以告乃筮賓主者北面再拜。告云卜以某甲子吉冠某速某賓加冠庶幾臨

之謹告前二日主者戒賓及贊冠者主者至賓大門外掌次者引之次儻者受主者之命入告賓曰某之子某將加冠願吾子教之賓曰某不敏恐不能供事以辱吾子敢辭主者曰某猶願吾子教之賓曰吾子重有命某敢不從主者再拜賓答拜主者還賓拜送主者戒贊冠者亦如之。亦通使子弟戒之。前一日掌事者設次於大門外之右南向其日夙興掌事者設洗於堂阼階東南東西當東霤。六品以下當東榮。南北以堂深壘水在洗

東加勺。罍。篚在洗西南肆。實巾一於篚。加罍席

於東房內西牖下。無房者。張惟為之。陳服於席東。領北

上。莞筵四。加藻席四。在南側。尊。罍。醴在服北。加

勺。罍。設坫。四品以下。設篚。無坫。在尊北。饌陳於坫北。設洗

於東房近北。罍水在洗西。篚在洗東北肆。實以

巾。質明。賓贊至於主者大門外。掌次者引之。次

賓贊公服。諸行事者各服其服。六品以下。無公服者。服常服。

執尊。罍。篚者皆就位。某冠各一廂。各一人執之。

待於西階之西。東面北上。設主者之席於阼階

上。西面。賓席於西階東面。冠者席於主者東北

西面。主者公服立於阼階下。當東序西面。諸親

公服。非公服者常服立於罍洗東南。西面北上。

尊者。在別室。儼者公服立於門內道東。北面。將冠者

雙童。髻。空頂。幘。雙玉導。金寶飾。綵袴。褶。錦紳。烏皮履。六品以下。導不以玉。此唐宋之制也。立

於房內南面。主者贊冠者公服立於房內戶東。

西面。賓及贊冠出次立於門西。贊冠者少退。俱

東面北上。儼者進於主者之左。北面受命。出立

門東。西面曰。敢請事。賓曰。某子有嘉禮。命其執

事。僮者入告。主者迎賓於大門外之東。西面再

拜。賓答拜。凡主賓拜揖皆贊禮者相導。主者揖贊冠者。贊冠

者報揖。主者又揖賓。賓報揖。主者入。賓及贊冠

者次入。及內門。行至階。主者立於階東。西面。賓贊立於階西。東面。主

者請升。賓曰。某備將事。敢辭。主者固請。賓固辭。

主者終請。賓三辭。主者升自阼階。立於席東。西

向。賓升自西階。立於席西。東向。贊冠者及庭盥

於洗。升自西階。入於東房。立於主者贊冠者之

南。俱西面。主者贊冠者引將冠者立於房外之

西。南面。賓之贊冠者取纚擲簪。跪奠於冠者筵

南端。席北少東。西面立。賓揖將冠者。賓主俱即

席坐。將冠者進升席。西南坐。賓之贊冠者進筵

前。東面跪。脫雙童髻置於箱。擲畢。設纚。興復位

立。賓主俱興。賓降至壘。洗盥手訖。詣西階。主者

立於席後。西面。賓立於西階上。東面。執緇布冠

者升授賓。賓降一等受之。右執項。左執前。進將

冠者筵前。東向立。祝曰。令月吉日。始加元服。棄

爾幼志。慎爾成德。壽考維祺。介爾景福。乃跪冠

爾幼志。慎爾成德。壽考維祺。介爾景福。乃跪冠

興復西階上席後東面立。賓之贊冠者進筵前。東面跪。結纓。興復位。冠者興。賓揖冠者。冠者適房。賓主俱坐。冠者著青衣素裳之服出房戶西南面立。賓主俱興。賓揖冠者。冠者進升席。西向坐。賓之贊冠者跪。脫緇布冠。置於箱。櫛畢。設纒。興復位。執進賢冠者升。賓降二等受之。右執項。左執前。進冠者筵前東向立。祝曰。吉月令辰。乃申爾服。恭爾威儀。淑慎爾德。眉壽萬年。永受胡福。乃跪冠。興復位。賓之贊冠者跪。設簪。結纓。興復位。冠

者興。賓揖冠者。冠者適房。賓主俱坐。冠者著絳紗服出自房戶西南面立。賓主俱興。賓揖冠者。冠者進升席。西向坐。賓之贊冠者跪。脫進賢冠。置於箱。櫛畢。設纒。興復位。執爵弁者升。賓降三等受之。右執項。左執前。進冠者筵前東向立。祝曰。以歲之正。以月之令。咸加爾服。兄弟具在。以成厥德。黃耇無疆。受天之慶。乃跪冠。興復位。賓之贊冠者跪。設簪。結纓。興復位。冠者興。賓揖冠者。適房。賓主俱坐。主者贊冠者撤纒。櫛簪箱及筵。入

於房。又設筵於室戶西南向。冠者著爵弁之服。出房戶西南面立。賓主俱興。主者贊冠者盥手。洗解於房。酌醴出房南面立。賓揖冠者。冠者就筵西南面立。賓進受醴。進冠者筵前北面立。祝曰。甘醴維厚。嘉薦令芳。拜受祭之。以定爾祥。承天之休。壽考不忘。冠者筵西拜受解。賓復西階上東面答拜。執饌者奉饌薦於冠者筵前。冠者左執解。右取脯。祭於籩豆之間。贊冠者取脯一以授冠者。冠者奠解於薦西以祭。冠者坐。取解。

祭醴。奠解。再拜。執解。興。賓答拜。賓主俱坐。冠者升筵。跪奠解於薦東。興。進北面跪。取脯。降自西階。入見母。進奠脯於席前。退。再拜以出。冠者母不在。則使人受脯於西階下。初冠者入見母。賓主俱興。賓降當西序東面立。主者降當東序西面立。冠者既見母。出立於西階東南面。賓少進。字之曰。禮儀既備。今月吉日。昭告爾字。爰字孔嘉。髦士攸宜。宜之于嘏。永受保之。曰。伯某甫。冠者曰。某雖不敏。夙夜祇奉。賓出。主者送於內門。

外。主者西向請賓曰。吾子辱執事。請禮從者。賓曰。某得將事。敢辭。主者固請。賓曰。某既不得命。敢不從。賓就次。主者入。初賓出。冠者東面見諸親。諸親拜之。冠者答拜。冠者西面拜。賓之贊冠者。賓之贊冠者答拜。訖見諸尊於別室。賓主既釋服。改席訖。賓與衆賓俱出。次立於門西東面。主者出門東。西面。主者揖賓。賓報揖。主者先入。賓及衆賓從之。至階。賓立於西階上。贊冠者在北。少退。俱東面。主者立於東階上。西面。衆賓降。

立於西階下。東面。掌事者以幣篚升授主者。主者授幣篚于賓。賓受之。又以幣篚授贊冠者。贊冠受之。俱復位。主者還阼階上。北面拜送。賓贊降自西階。主者送賓於大門外之東。西面再拜。賓出。主者入。孤子。則諸父諸兄戒賓。冠之日。主者紛而迎賓。拜揖讓如冠主。冠於阼階之下。禮者。賓拜送皆如上儀。明日見廟。冠者朝服。質明。贊禮者引入廟南門中庭道西。北面。贊再拜。訖引出。

禮記

卷之

執冠第人

士庶冠禮

總敘

古者冠禮。唯士獨存。後世之所謂冠儀。皆推士禮為之也。漢晉以來。士禮廢而不講。至於唐宋。乃有士庶通禮。雖采士冠儀文。然失之太繁。今以文公家禮為準。而定士庶冠禮。有官者公服。帶靴笏。無官者襴衫帶靴。通用皂衫。深衣。大帶。履。擲。簪。掠。其筮日。戒賓。醴。祝之儀。一遵儀禮。具著于後。以為今日通行之制。

國家圖書館, NATIONAL CENTRAL LIBRARY, TAIWAN, R.O.C.

筮日

凡男子年十五至二十皆可冠。將冠。主人盛服親臨。筮日於祠堂之內。西向。具祝版云。某之子某年漸長成。將以某月某日加冠於其首。得卜則從之。若不吉。則更筮他日。

筮賓

戒賓

前期三日。筮賓如筮日之儀。主人北面再拜。乃告曰。某子某年若干矣。卜以某甲子冠。吉。乃速賓某以始。卒冠事。庶幾臨之。謹告。乃遣人戒賓。

曰。某有子某。某日將加冠於其首。願吾子之教之也。賓對曰。某不敏。恐不能供事。敢辭。主人不許。賓乃諾。

陳服器

其日夙興。張帷為房於廳事之東。賓主人。執事者皆盛服。執事者設盥盆於廳事阼階下。東南。陳服于房中西牖下。東向北上。公服帶靴笏。笏大

帶櫛。席二在南。酒壺在服北次。盞注亦置卓子

上。幘頭帽巾各承以盤。蒙以巾帕。執事者三人。

執之。立于堂下西階之西。南向東上。主人立於
阼階下。子弟親戚立于盥盆東。賓者立于門外。
以俟賓。將冠者雙紒袍。勒帛。素履。待于房中。賓
至。主人出迎。揖而入。坐定。冠者出自房。執事者
白請行事。

加冠 祝辭

賓之贊者取櫛。總篋。髻頭。置于席南端。賓揖。將
冠者。將冠者即席西向坐。為之櫛。合紒。施總。加
髻頭。賓降。主人亦降。立于阼階下。賓盥手訖。主

人揖讓。升自西階。皆復位。賓降西階一等。執巾
者升一等授賓。賓執巾。詣將冠者席前東向。祝
曰。令月吉日。始加元服。棄爾幼志。順爾成德。壽
考維祺。介爾景福。乃跪。為之著巾。興。復位。賓揖
冠者。適房易服。服深衣。大帶。出房。即冠席。賓盥如初。
降二等受帽。進祝曰。吉月令辰。乃申爾服。敬爾
威儀。淑慎爾德。眉壽永年。享受胡福。乃跪。冠。興。
復位如初。冠者興。賓揖之。適房易服。服旋襴衫。
腰帶出房。南向。賓揖之。即席。賓盥如初。降三等

受幘頭。進祝曰。以歲之正。以月之令。咸加爾服。兄弟具在。以成厥德。黃耆無疆。受天之慶。贊者撤帽。賓加幘頭。復位如初。冠者興。賓揖之。冠者適房。改服公服。執事者撤冠箱。冠席入于帷中。

醴

祝辭

執事者設醴席于西階。南向。贊者取盞斟酒于房中。出房。立於冠者之南。西向。賓揖冠者。即醴席。西向立。賓受盞于贊者。詣席前。北向立。祝曰。爾酒既清。嘉薦令芳。拜受祭之。以定爾祥。承天

之休。壽考不忘。冠者席西。拜受。賓答拜。執事者薦饌于席前。冠者即席坐。飲食訖。再拜。賓答拜。
字辭

冠者興。離席。立於西階之東。南向。賓少進。字之曰。禮儀既備。今月吉日。昭告爾字。爰字孔嘉。髦士攸宜。宜之于嘏。永受保之。曰伯某甫。仲叔季唯其所當。冠者拜。賓答拜。

冠者見拜

拜父。父為之起。拜母。母為之起。拜諸父。羣從之

尊者。遂出見於鄉先生及父之執友。冠者拜先生。執友皆答拜。

醴賓

賓請退。主人請醴賓。賓辭。固請。許諾。乃入。設酒饌。延賓及擯。贊酒罷。賓退。主人酬賓及贊者。以幣多少。隨宜。乃拜謝之。

謁廟

冠禮畢。主人以冠者見于祠堂。告辭曰。某之子某。今日冠畢。敢見。冠者北向焚香。俛伏。興。再拜而出。

大明集禮卷二十四

禮席



執中者
執帽者
執僕頭者

實



大明集禮卷二十五

嘉禮九

天子納后

總序

天子納后所以母儀乎天下也。三代以上不著其禮。至周而六禮之儀始備。一曰納采。二曰問名。三曰納吉。四曰納徵。五曰請期。六曰親迎。五禮皆用鴈。唯納徵用玄纁束帛。加以穀珪。至周靈王求昏于齊。遣使稱制拜后。魯桓公八年祭

公來。遂逆王后于紀。左氏謂王者至尊無敵。無親迎之禮。故遣魯主昏。而使祭公來迎。**漢**納皇后。遣使納采。以太牢告宗廟。遣大司徒奉乘輿。法駕迎皇后于第。皇后立三月。以禮見高廟。**晉**納皇后。六禮制文用版。升平六年。復命王彪之考定六禮。**齊**皇帝納后。納采。問名。告于圓丘。方澤。宗廟。遣太尉奉冊寶。璽綬迎皇后于第。至宮之明日。皇后表謝。又明日。見皇太后於昭陽殿。又擇日謁見太廟。**唐**皇帝納后。卜日告天地。

宗廟。遣太尉為使。宗正卿為副。持節行六禮。皇后至宮之明日。奉表稱謝。又明日。朝皇太后。擇日廟見。及有受內外命婦賀及群臣稱賀之禮。又有百寮上禮及皇帝會群臣之儀。**宋**皇帝納后之禮。皆與**唐**同。而無受命婦賀及群臣朝賀之禮。亦無百寮上禮及皇帝會群臣之儀。**元**納后。從其國俗。而儀文不著。今擬

國朝

皇帝納后。先期遣官祭告天地。

宗廟。

皇帝臨軒命使行六禮。

皇后至宮之明日。上表稱謝。復受內外命婦朝賀。擇日謁見。

太廟。今集歷代禮物儀文以著于篇。

冠服

周禮。天子納后。冕而親迎。后服首飾禕衣。**兩漢**納后。不著所服。**晉**迎皇后。皇帝服袞冕。**北齊**皇帝服繡衣帶綬佩。**隋**納后。天子具袞冕服。皇后

首飾禕衣。**唐**皇帝納后。其臨軒遣使皆服袞冕。合登服通天冠絳紗袍。皇后服首飾禕衣。表謝。皇后服展衣。廟見還改服鈿釵禮衣。**宋**納后臨軒遣使。合登皆服通天冠絳紗袍。皇后服花釵十二樹。九龍四鳳冠禕衣。**元**納后用國俗衣冠。今擬

國朝

皇帝納

皇后。其臨軒遣使皆服袞冕。同牢服通天冠絳

紗袍。

皇后首飾以九龍四鳳冠。大小花各十二樹。并兩博鬢寶鈿十二。服用禕衣。

皇后表謝服展衣。其受命婦朝賀朝。

皇太后皆首飾禕衣。其制見冠服篇。其

皇后車輅用寶制度並見冊。

皇后篇。此不復載。

制

凡天子納后六禮必用制。皆以版書。其制。唐版

長尺二寸。以應十二月。博四寸。以像四時。厚八分。以像八節。皆真書。盛以匣。宋制文版製同。今擬

國朝

皇帝納后六禮用制書。

制文

唐納采制。皇帝曰。咨。具官封姓。渾元資始。肇經人倫。爰及夫婦。以奉天地。宗廟社稷。謀于公卿。咸以為宜。率由舊典。今使持節太尉封某。宗正

卿封某。以禮納采。答文曰。皇帝嘉命。訪昏陋族。備數采擇。臣之女未閑教訓。衣履若如人。欽承舊章。肅奉典制。某官封臣姓名。稽首頓首再拜。承制詔。問名制。皇帝曰。咨某官封姓。兩儀配合。承天統物。正位于內。必俟令族。重章舊典。今使使持節太尉封某。宗正卿某。以禮問名。答文曰。皇帝嘉命。使者某。重宣中制。問臣名族。臣女夫婦所生。先臣故某官之遺玄孫。先臣故某官之遺曾孫。先臣故某官之遺孫。先臣故某官之外

孫女。年若干。欽承舊章。謹奉典制。臣某稽首頓首再拜。承制詔。納吉制。皇帝曰。咨某官姓。人謀龜從。僉曰。貞吉。敬順典禮。今使使持節太尉封某。宗正卿某。以禮納吉。答文曰。皇帝嘉命。使者某。重宣中制。太卜元龜。臣陋族卑鄙。憂懼不堪。欽承舊章。肅奉典制。某官臣姓某。稽首頓首再拜。承制詔。納徵制。皇帝曰。咨某官姓之女。有母儀之德。窈窕之姿。如山如河。宜奉宗廟。永承天祚。以玄纁珪馬。以章典禮。今使使持節太尉封

某宗正卿封某以禮納徵。答文曰：皇帝嘉命使者某重宣中制，降昏卑陋，崇以上公，寵以豐禮，備物典冊，欽承舊章。肅奉典制，某官臣姓名稽首頓首再拜承制。詔告期制，皇帝曰：咨某官姓名，謀于公卿，大筮元龜，罔有不臧，率遵典禮。今使使持節太尉封某，宗正卿封某，以禮告期。答文曰：皇帝嘉命使者某重宣中制，告曰：惟某月某日可迎，臣欽承舊章，肅奉典制，某官臣姓名稽首頓首再拜承制。詔奉迎制，皇帝曰：咨某官

姓歲吉月令吉日，惟某率由典禮。今遣使持節太尉封某，宗正卿封某，以禮迎。答文曰：皇帝嘉命使者某重宣中詔，令月吉辰，備禮以迎。螻蟻之族，猥承大禮，憂懼戰悸，欽承舊章，肅奉典制。某官臣姓名稽首頓首再拜承制。詔納采制文，皇帝曰：咨某官姓名，肇經天人，爰始夫婦，正位基化，敦敘大倫，敷求賢明，是惟令族。率由盛典，式舉徽章。今遣使持節上公封某，宗正卿某，以禮采擇。答文曰：皇帝嘉命舉大昏之禮，下

逮微陋。備數采擇。臣之女方祇保傳。式嚴諄誨。恭承令典。肅荷徽章。某官臣姓名稽首頓首再拜承制詔。問名制文。皇帝曰。咨某官姓名。自昔受命之君。必擇建厥配。以奉天地。以承宗廟。以御于家邦。德至茂也。肆朕稽古。永惟大猷。謀于公卿。咸以祇若。率由舊典。式舉徽章。今遣使持節上公封某。宗正卿封某。以禮問名。答文。皇帝嘉命使者某。重宣中制。問臣名族。臣先臣某官之遺玄孫。先臣某官之遺曾孫。臣某官姓某之

遺孫女。年若干。恭承令典。肅荷徽章。某官姓名稽首頓首再拜承制詔。告吉制文。皇帝曰。咨某官姓名。稽謀所自。燕及神民。濬發祥占。後以元吉。六合之慶。是為大同。今遣使持節上公封某。宗正卿封某。以禮告吉。答文。皇帝嘉命使者某。重宣中制。太卜元吉。微陋之族。懼不克堪。恭承徽章。肅奉典制。某官臣姓名稽首頓首再拜承制詔。告成制文。皇帝曰。咨某官姓名之女。毓秀中閨。膺華高胄。詠葛覃之本。尊嚴師傅。宗卷耳

之志。夙念恭勤。將延登於太微。永迓承於介福。以玄纁縠珪式彰典禮。今遣使持節上公封某。宗正卿封某。以禮告成。答文。皇帝嘉命使者某。重宣中制。降昏卑陋。崇以上公。寵以盛禮。備物典冊。恭承天獎。肅荷徽章。某官臣姓名稽首頓首。再拜承制。詔告期制文。皇帝曰。咨某官姓名。令月吉日。備序來嬪。爰定厥祥。率遵典禮。今遣使持節上公封某。宗正卿封某。以禮告期。答文。皇帝嘉命使者某。重宣中制。告曰。某月某日。可迎。臣恭承令典。肅荷徽章。某官臣姓名稽首頓首。再拜承制。詔親迎制文。皇帝曰。咨某官。嘉月惠時。吉日惟某。率由典禮。今遣使持節上公封某。宗正卿封某。備禮以迎。答文。皇帝嘉命使者某。重宣中詔。吉日維某。備禮以迎。臣卑陋之族。叨塵大恩。以榮為懼。臣恭承令典。肅荷徽章。某官臣姓名稽首頓首。再拜承制。詔。

禮物

伏犧氏始嫁。娶以儷皮為禮。**周**制。天子聘女。納

徵加穀珪。**漢**惠帝納后。納采。鴈璧乘馬束帛。聘黃金二萬斤。馬十二匹。平帝納后。有司奏故事。黃金二萬斤。錢一萬萬。**晉**納后。用玄纁束帛。加穀珪。馬二駟。羊鴈酒米如故。穆帝納后。王彪之定六禮。納采。用鴈一頭。白羊一口。酒十二斛。米十二斛。問名。納吉。用鴈。羊如前。納徵。用白羊一口。玄纁帛二匹。絳二匹。絹二百匹。獸皮二枚。錢二百萬。玉璧一枚。酒十二斛。白米十二斛。馬六匹。請期。奉迎。用鴈酒米如前。**唐**納采。問名。納吉。

請期。奉迎。皆用鴈。惟納徵。用玄纁米帛六馬。穀珪。其他禮物如常儀。**宋**禮物與**唐**同。今擬**國朝**納采。問名。納吉。請期。奉迎。皆用鴈。納徵。用玄纁束帛六馬。穀珪。其他禮物則隨常儀。

樂

漢冊皇后。黃門鼓吹三通。**唐**臨軒遣使。大樂令展宮懸。鼓吹令設十二案。迎皇后。則備鼓吹。備而不作。**宋**冊后行六禮。皆大晟府展宮懸之樂。於殿庭橫街之南。其迎皇后。亦備鼓吹。皆備而

不作。今擬

國朝

皇帝納后六禮。遣使皆和聲郎陳樂於丹墀。設而不作。奉迎。

皇后則備大樂鼓吹。亦備而不作。

皇后車輅將至。

午門。則大鳴鐘鼓。

節

漢靈帝納后。命太尉馮持節行六禮。**晉**成帝臨

軒遣使持節迎后。**北齊**納后。凡納采。問名。納吉。

納徵。請期。奉迎。皆臨軒。命太尉為使。宗正卿為

副持節。行六禮。**唐**制。天子納后。六禮皆以上公

持節。宗正卿為副使。

祭告

漢平帝將納后。以太牢告宗廟。**北齊**納后。納徵

訖。告圓丘。方澤。及宗廟。**唐**制。將納吉。卜日。告圓

丘。方澤。及宗廟。如加元服之儀。**宋**制。納后将納

采。先期命太史局擇日。奏告天地社稷及諸陵。

寢宮觀。今擬

國朝納后遣官祭告天地宗廟。其儀具見於祀天祀地宗廟等篇。

納采

納采者。謂始以言語采擇可否也。**兩漢**天子納后。皆先遣使持節納采。**漢**惠帝納魯元公主女為后。遣使執鴈納采。平帝納后。遣宗正劉宏尚書令平晏納采。**唐**制。天子納后。則於太極殿遣使。賫制書。執鴈詣皇后第納采。既至。奠鴈於庭。

主昏者再拜聽宣制書畢。又再拜以答表授使者。使者受表還復命。**宋**制。天子納后。則於文德殿遣使持節奉制書。執鴈詣皇后第納采。既至。陳鴈於庭。主昏者迎使者入。再拜聽宣制畢。使者以制書授主昏者。主昏者受制書訖。奉答表以授使者。使者受命還復命。**元**納后依其舊俗。而六禮儀文無所考見。今擬

國朝

皇帝納后。先於

奉天殿遣使持節奉制書執鴈詣

皇后第納采。既至主昏者再拜迎使者入。又再拜使者宣制。以制書授主昏者。主昏者受制畢。以答表進授使者。再拜。又再拜以出。

問名

問名者。謂問后名目。將卜之也。**晉**穆帝納后。遣衛尉卿兼太常王虓之為使。兼宗正卿散騎侍郎司馬綜為副使。持節往問名。**唐**制。使者納采。訖。出立於大門之內。曰。將加卜筮。奉制問名。主

昏者答曰。臣某之子。若如人。既蒙制訪。臣不敢辭。使者陳鴈宣制。以制書授主昏者。主昏者再拜受制。訖。以答表進授使者。使者將出。主昏者復揖使者入。行宴禮。以馬幣禮使者。**宋**遣使問名如**唐**儀。而禮使者以幣。無馬。今擬

國朝納后。使者納采畢。出立於中門之外。取問名

制書。執鴈復入。使者宣制。以制書授主昏者。訖。復以鴈授主昏者。主昏者受制書及鴈。訖。復以

答表進授使者。其宴禮使者之儀具見儀注。

納吉

納吉者。謂卜已得吉。往告之也。**唐**制。使者至后氏第。曰。加諸卜筮。占曰。從制。命某納吉。主昏者曰。臣某之女。若如人。龜筮云吉。某謹奉典制。其陳鴈。宣制。授制書。與主昏者。進答表之儀。皆與問名同。**宋**遣使者至皇后第。曰。加諸卜筮。占曰。從制。使某告吉。主昏者曰。臣某之女。初嚴女功。未燭婦道。卜筮云吉。臣預有馬。臣某謹奉典制。

使者入陳鴈宣制。其儀與**唐**同。今擬

國朝納后既卜吉。遣使納吉。其詳見納吉儀注。

納徵

納徵者。用束帛告成。謂昏姻之禮成也。**唐**天子納后。遣使者奉珪玉幣馬。制書至皇后第。請曰。奉制納徵。主昏者曰。奉制賜臣以重禮。某祇承典制。受玄纁束帛。穀珪乘馬。北面再拜。其儀與納吉同。**宋**制。告成。遣使奉穀珪玄纁束帛。制書至皇后第。其儀皆與**唐**同。今擬

國朝納

后遣使奉珪玉幣馬納徵其詳見納徵儀注

請期

請期者謂請日也。昏禮納后六禮。五曰請期。**唐**制既納徵遣使者詣皇后第請曰詢于龜筮。某月日吉制使某告期。主者曰既前受命惟命是聽。使者陳鴈授制書一如納吉之儀。**宋**納后請期其儀如**唐**今擬

國朝納后遣使持節奉制請期詳見儀注

奉迎

古者昏禮六曰親迎。**夏**迎於庭。**殷**迎於堂。**周**迎於戶。**魯**桓公八年祭公來遂逆后於紀。此天子遣使逆后之制也。**漢****晉**以來皆遣使持節奉迎。穆帝納何氏為皇后遣使持節往迎。**北齊**皇帝納后臨軒遣使持節詣皇后第行冊拜禮。皇后受冊於行殿。**唐**皇帝臨太極殿遣使持節賁冊寶車輅儀仗及褱衣首飾至后第行冊禮。皇后望闕再拜受冊畢復遣奉迎使執鴈及制書奉

迎。**宋**遣冊奉迎一如**唐**儀。今擬

國朝

皇帝納

后。則於

奉天殿遣使持節奉冊寶車輅儀仗禕衣首飾等物至

皇后第。以授內使。內使奉冊寶至

皇后閣外。

皇后望闕再拜受冊寶訖。復遣奉迎使執鴈及

制書奉迎。詳見臨軒遣使冊命奉迎儀注。

同牢

古者昏禮同牢而食。合盞而酌。所以合體同尊卑也。**北齊**設皇帝皇后同牢坐於昭陽殿。各三飯訖。及各酌二爵。一盞。**唐**設皇帝皇后御席於所御殿。皇帝在西。皇后在東。皇后至內殿門外。西向立。皇帝揖后。由西階升。盥洗訖。就席相向坐。尚食以韭菹羶醢進授皇帝。皇后。皇帝皇后祭於豆間。尚食以黍實及肺進授皇帝。皇后。皇

帝皇后復祭訖各酌二爵一盞飲畢尚容奏請
皇帝釋冕服又奏請皇后服常服皇后從者餞
皇帝之饌皇帝從者餞皇后之饌宋皇帝納后
同牢之禮與唐同唯不祭肺及不祭韭菹黍稷
等物今擬

國朝

皇帝納

后於宮中內殿設

御幄中設

皇帝

皇后御榻行同牢之禮其詳見同牢儀注。

表謝

唐制皇后至宮之明日服展衣奉表稱謝司言
導從皇后升正殿北面再拜尚儀以謝表授皇
后皇后受表置于案又再拜訖尚儀以表授內
侍內侍因中書以聞宋皇后至宮之明日奉表
稱謝一如唐儀今擬

國朝

皇后既至宮。其明日奉表稱謝。詳見儀注。

謁廟

唐制。皇后至宮。擇日謁廟。前一日。皇后清齋於別殿。設皇后大次於太廟北門內。設宮懸之樂於廟庭。制以太尉及御史以祝奉告曰。皇后將伸祗見。謹以一元大武敬薦。其日。皇后首飾禕衣。乘輿以出。警蹕。侍御如常儀。尚宮率內外命婦及公主縣主。後從。皇后至廟庭。尚宮奏請。皇后再拜。又再拜訖。尚宮引皇后出。還大次。皇后

改服鈿釵禮衣。乘輿以還。**宋**。皇后既至宮。擇日謁景靈宮。前一日。設皇后次於明福殿。至日。內侍導從。皇后服禕衣首飾。乘重翟車至廟所。內外命婦。後從至廟階下。西向立。內侍贊再拜。皇后及內外命婦皆再拜。內侍奏請。皇后詣聖祖香案前。三上香訖。降階。又再拜。出。今擬

國朝

皇后至宮。擇日謁

廟。其儀見

宗廟篇。

受命婦朝

唐制。皇后至宮。有受內外命婦朝賀之禮。其儀與正冬朝會同。惟改賀辭曰。伏惟殿下坤儀配天。德昭厚載。率土含識。不勝抃舞。謹上千萬歲壽。今擬

國朝

皇后至宮之明日。受內外命婦朝賀。詳見朝會篇。

遣使儀注

前期禮部移文太史院擇某日奏告天地

宗廟。某日遣使納采問名。太史院擇日以報禮部。禮部奏聞。翰林院承制撰納采問名制文。禮部依式樣製制書版書制文訖。命所司備鴈并其他禮物以伺。又承制命某官為使者。某官為副使。告示文武百官於

皇城守宿。至日。鳴鐘後。具朝服侍班。前一日。內

使監設

御座香案於

奉天殿正中。尚寶卿設寶案於

御座之南。侍儀司設制書案於寶案之南。設鴈及禮物位于

丹陛上。設主節官位于制書案之東。西向。執節者位于主節官之南。稍後。捧制官二人位于制書案之西。東向。舉案者位于捧制官之後。設承制官位于殿上及

丹陛之東南。設使者及副使拜位于

丹墀內道。稍西。東上。北向。又設副使受制書位于拜位之北。使者在東。副使在西。俱北向。設執鴈者及舉禮物者位于

丹陛下之西。東向。贊禮二人位于

丹陛上之南。東西相向。司贊二人位于使者拜位之北。東西相向。知班二人位于司贊之南。東西相向。設文武百官侍立位于文武樓之北。東西相向。文武侍從班位于殿上之左右。引文武

班舍人四人位于文武官之北。稍後東西相向。引使者二人位于使者之北。西立東向。拱衛司。光祿寺官對立位于

奉天殿門之左右。東西相向。將軍二人位于殿上簾前。東西相向。將軍六人位于

奉天門之左右。東西相向。又將軍四人位于

丹陛上之四隅。東西相向。又將軍六人位于

奉天殿門之左右。東西相向。鳴鞭四人于

丹陛上。北向。是日。金吾衛陳設甲士儀仗于

午門外之西。拱衛司陳設儀仗于

丹陛丹墀之東西。設遮蓋。制書黃蓋于

奉天殿前。和聲郎設樂位于

丹墀之南。備而不作。侍儀司設綵輿儀仗于

奉天門外正中。質明擊鼓初嚴。催班舍人催百

官具朝服。導駕官侍從官入迎

車駕。次嚴。引班舍人引文武百官入就侍立位。

引禮引使者具朝服立于

丹墀之西。以伺諸執事者各就位。三嚴。侍儀奏

外辦御用監跪奏請

皇帝服衮冕出

謹身殿尚寶卿奉

寶前導侍從導引如常儀至

奉天殿陛

御座尚寶以寶置于案捲簾鳴鞭雞唱報時訖

禮部官捧

制書置於案上執事者陳鴈及禮物於

丹陛上主節官執節者入就殿上位西向立承

制官立於主節官之北奉制官立於制書案之

西舉案者立於其後引禮引使者就

丹墀拜位贊禮唱鞠躬拜興拜興拜興平

身使者鞠躬拜興拜興拜興平身引禮引

使者及副使稍前至受制位北向立定承制官

進詣

御座前跪承制訖由中門出至

丹陛上宣制位奉制官率執事舉制案由中門

出拱衛司擎黃蓋遮護自中陛降以案置受制

位。主節官率執節者執節。前導守至使者前。主節官西向立。執節者立於主節官之南。奉制官立於制書案之東。舉案者立於奉制官之後。西向承制官稱有制。典儀唱跪。使者跪。承制官宣制曰。

皇帝納某女為

皇后。制使卿等持節行納采禮。宣制訖。執節者脫節衣以節授主節官。主節官受節西向授使者。使者搢笏跪受。以授執節者。執節者跪受節。

興立於使者之左。主節官退。奉制官就案取納采制書西向授使者。受制書興。復置於案。出笏退。復位。奉制官復詣案取問名制書西向授副使。副使搢笏跪受制書興。復置於案。出笏退。復位。奉制官退。引禮引使副退就拜位立定。贊禮唱鞠躬拜興拜興拜興。平身。使者鞠躬拜興拜興拜興。平身。引禮引使副從制書案出。執節者前導。舉案者次之。執鴈及禮物者由西陞陞。取鴈及禮物由中陞降。以次行制書案。

之後出

奉天門外。執節者加節衣。使者取制書安置於綵輿中。使者步從出。

午門外。儀仗在前。鼓吹次之。不作。執節者次之。禮物次之。執鴈者次之。綵輿次之。使副從行於綵輿之後。初

制書出

奉天門。侍儀跪奏禮畢。

皇帝興還宮。引班引百官以次出。

納采儀注

前一日。侍儀司設使副次于

皇后第大門之外。南向。設使副序立。位于

皇后第大門外之東。西向。北上。設主昏者序立

位于大門之西。東向。又設使副立。位于正廳之

東。西向。北上。執節者位于使副之南。西向。執鴈

者位于執節者之南。西向。設主昏者拜位于階

下中道。北上。又設主昏者受制位于廳上正中。

北向。設贊禮二人。位于主昏者拜位之北。東西

相向。設僮者二人。位于贊禮之南。東西相向。引使者二人。位于廳上之左右。東西相向。其日。使者乘馬持節。備儀仗鼓吹。備而不作。奉制書禮物至。

皇后第。儀仗鼓吹。分列于大門之左右。置綵輿于大門外之正中。設制書案于綵輿之北。使副下馬。掌次者。延入次。執事者皆公服。僮者引主昏者。朝服序立于大門內之西。東向。引禮引使副出次。使者就綵輿取納采。

制書置于案。引禮引使副立于大門外之東西向。持節者立于使副之南。稍後。執鴈者又于其南。俱西向。其他禮物各陳于大門外之兩旁。僮者進于主昏者之左。受命出。詣使者前。請曰。敢請事。使者曰。某奉制采擇。僮者入告。主昏者曰。臣某之女。未知壺儀。方飭姆訓。既蒙

詔訪。臣某不敢辭。僮者出告。訖。入引主昏者出迎。使者于大門之外。北面立。贊禮唱鞠躬拜。興拜。興。平身。主昏者鞠躬拜。興拜。興。平身。使者不

答拜。僮者引主昏者先入。立于西階之下。引禮者從入。執節者前導。禮物次之。持案及執鴈者。從入。執節者脫節衣。執節立于正廳之東南。禮物陳于庭。舉案者舉制案。設于正廳之中。使副立于制案之東。執鴈者立于使副之南。稍後。俱西向。引禮引主昏者就階下拜位。北向立定。贊禮唱鞠躬拜興。拜興。平身。主昏者鞠躬拜興。拜興。平身。僮者引主昏者自西階陞至制案前。北向立。使者稱有制。引禮唱跪。使者詣案取

制書宣制訖以

制書授主昏者。主昏者跪。搯笏受。

制書以授左右。執鴈者以鴈授使者。使者受鴈以授主昏者。主昏者受鴈以授左右。引禮唱出笏。俛伏。興。平身。主昏者出笏。俛伏。興。平身。僮者引執事對舉答表。案進立于主昏者之後。少西。僮者取表以授主昏者。主昏者搯笏受表。跪授使者。使者受表。置于案訖。引禮唱出笏。俛伏。興。平身。主昏者出笏。俛伏。興。平身。引禮引主昏者

降階至拜位立定。贊禮唱鞠躬拜興。拜興平身。主昏者鞠躬拜興。拜興平身。引禮引主昏者退。立于西持節者加節衣。引禮引使副降自東階。舉案者對舉表案降自中階。執節者前導至中門外。使者取表置綵輿中。主昏者帥諸執事各徹禮物。

制文

或臨時撰。或用古制。答文同。

答文

凡答表。女之祖在。則曰某官某之

孫女。若姑姊妹。則曰先臣某官某

之遺女。後並同。

問名儀注

使者既出。立于中門之外。引禮引主昏者立于中門內。東向。引禮引使者出次。使者就綵輿中取問名。

制書置于案。引禮引使副立于中門外之東。西面。北上。舉案者對舉制案置于中門之正中。持節者立。使副之南。執鴈者又于其南。儼者于主昏者之左。受命出。詣使者前。請曰。敢請事。使者

曰將加卜筮。奉制問名。僎者入告。主昏者曰。臣某之女。被預詢擇。聞命祇懼。既蒙

制問。臣不敢辭。僎者出告訖。入引主昏者出迎。使者立于中門外之南。北面贊禮。唱鞠躬。拜興。拜興。平身。主昏者鞠躬。拜興。拜興。平身。僎者引主昏者先入。立于西階之下。東面。引禮。引使者入。持節者前導。禮物次之。制案及執鴈者從入。執節者脫節衣。執節立于正廳之東南。執事者以禮物陳于庭。舉案者對舉制案。設于正廳之

中。使副立于制案之東。執鴈者立于使副之南。稍後。俱西向。僎者引主昏者就階下拜位。北向立定。贊禮。唱鞠躬。拜興。拜興。平身。主昏者鞠躬。拜興。拜興。平身。僎者引主昏者自西階陞至制案前。北向立。使者稱有制。引禮。唱跪。主昏者跪。副使詣制案前取

制書宣制訖。以

制書授主昏者。主昏者措笏跪受。

制書以授左右。執鴈者以鴈授副使。副使受鴈。

以授主昏者。主昏者跪受。鴈以授左右。引禮唱出笏。俛伏。興。平身。主昏者出笏。俛伏。興。平身。儗者引執事對舉答表案。進立于主昏者之後。少西。儗者取表以授主昏者。主昏者搢笏受表。跪授副使。副使受表置于案。引禮唱出笏。俛伏。興。平身。主昏者出笏。俛伏。興。平身。儗者引主昏者降階就拜位立定。贊禮唱鞠躬。拜。興。平身。主昏者退立于西。持節者加節衣。引禮引使副降自東階。

舉案者對舉表案降自中階。執節者前導至中門外。使者取答表置綵輿中。主昏者帥諸執事各徹禮物。使者既出。立于中門外之東。副使在使者之南。主昏者遣儗者出。詎使者前請曰。敢請事。使者曰。禮畢。儗者入告。主昏者曰。某公奉制命至于某之室。某有先人之禮。請禮役者。儗者出告。使者曰。某既得將事。敢辭。儗者入告。主昏者曰。先人之禮。敢以固請。儗者又出告。使者曰。某既不獲辭。敢不從命。儗者入告。引禮引主

昏者入。先陞立于廳之西。執事者設禮賓席于正廳。引禮引使者及副使入。主昏者降西階出迎。使者陞自東階。主昏者陞自西階就座。使者西面坐。主昏者東面坐。行飲食之禮畢。賓主俱興。執事者以幣進授主昏者。主昏者受幣以授使副。使副受幣以授左右。引禮引使副出。降自東階。主昏者降自西階。至大門外。主昏者入。使副進發儀仗導從迎綵輿至午門外。使副取答表入。

奉天西門授內使監令進入。

制文

答文

並見前註

納吉儀注

前一日。侍儀司設使副次于

皇后第大門之外。設使副序立。位于大門外之東。西面北上。設主昏者序立。位于大門內之西。東向。又設使副位于正廳之東。西向北上。執節者位于使副之南。執鴈者位于執節者之南。皆

西向。設主昏者拜位于階下正中。北面。又設主昏者受制位于廳上之南楹。北向。設贊禮二人位于主昏者拜位之北。東西相向。設僎者二人位于贊禮之南。東西相向。設引使者二人位于廳上之左右。東西相向。預設制案于大門外之中。是日。使者奉

制書至。

皇后第。儀仗分列于大門外之左右。置綵輿于大門外之正中。引禮延使者入次。僎者引主昏

者出就大門內位。東向立。引禮引使者詣綵輿前。取

制書置案上。退就位立。執節者立于副使之南。執鴈者立于執節之南。執事者陳禮物于大門外之左右。僎者出請事。使者曰。加諸卜筮。占曰。從制。使某告吉。僎者入告主昏者曰。臣某之女。祇嚴女功。未燭婦道。卜筮叶吉。臣預有焉。僎者以告訖。入引主昏者出迎使者于大門之外。北面立。贊禮唱鞠躬拜。興拜。興。平身。主昏者鞠躬。

拜興。拜興平身。使者不答拜。僮者引主昏者先入。立伺于西階之下。東面。引禮引使者入。持節者前導。持案執鴈者次之。使副行于案後。由東階陞。舉案者以制書案置廳上之正中。使副立于制書案之東。使者在北。副使在南。執節者脫節衣立于使副之南。執鴈者又于其南。執事者以禮物陳于庭。訖。僮者引主昏者就拜位。北向立。贊禮唱鞠躬拜興。拜興平身。主昏者鞠躬拜興。拜興平身。僮者引主昏者自西階陞至制書案前。受制位。北向立。使者稱有制。僮者贊跪。主昏者跪。使者進詣案前取制書宣訖。以

制書授主昏者。主昏者措笏跪受。制書以授左右。執鴈者以鴈授使者。使者受鴈以授主昏者。主昏者以授左右。訖。僮者贊出笏。俛伏。興平身。主昏者出笏。俛伏。興平身。僮者率執事舉笏。案進立于主昏者之後。稍西。僮者取表以授主昏者。主昏者措笏。受表跪進使者。

使者受表置于案。僎者贊出笏。俛伏。興。平身。主昏者出笏。俛伏。興。平身。僎者引主昏者降階。就拜位。北面立。贊禮唱鞠躬。拜。興。拜。興。平身。主昏者鞠躬。拜。興。拜。興。平身。贊禮唱禮畢。僎者引主昏者立于西。執節者加節衣。引禮引使者降自東階。執事者舉答表案出。持節者前導至大門外。使者取表置綵輿中。退立于東。其宴禮使者。使者復命。並如問名之儀。

制文

答文 並見前注

納徵儀注

前一日。侍儀司于

皇后第設使副次于大門外。如前儀。設使副序立。位于大門外之東。西向北上。設主昏者序立。位于大門內之西。東向。又設使副立位于正廳之東。西向北上。執節者位于使副之南。設主昏者拜位于階下正中。北向。又設主昏者受制位于廳上之南楹。北向。設贊禮二人位于主昏者

拜位之北。東西相向。僎者二人位于贊禮之南。東西相向。引使者二人位于廳上之左右。東西相向。預設制書案及玉帛案于大門外之正中。是日。使者奉

制書。穀珪玄纁束帛禮物至。

皇后第大門外。儀仗分列于左右。置綵輿于大門外之正中。引禮引使者入就次。執事者陳設禮物于大門外。六馬陳于禮物之南。北首西上。僎者引主昏者序立于大門內之西。引禮引使

者出次。就綵輿中取

制書置案上。奉玉帛。官取玉帛授使者。使者受玉帛置于案。訖退立于東。執節者立于其南。僎者出請事。使者曰。某奉制告成。僎者入告。主昏者曰。奉制賜臣以重禮。臣某祇奉典制。僎者告訖。入引主昏者朝服出迎。立于大門外。北面。贊禮唱鞠躬拜興。拜興。平身。主人鞠躬拜興。拜興。平身。僎者引主人入。立于西階之下。引禮引使者入。執事者舉制案及玉帛案入。持節者先導。

至廳。置制書案于正中。設玉帛案于制書案之南。使者立于制書案之東。執節者脫節衣。立于使者之南。奉玉者立于執節之南。執事者各以禮物陳于庭。牽馬者牽六馬陳于禮物之南。北首西上。儼者引主昏者就拜位立定。贊禮唱鞠躬拜興。拜興平身。主昏者鞠躬拜興。拜興平身。儼者引主昏者升自西階。至制案前受制位。使者稱有制。儼者贊跪。使者詣案取制書宣訖。以授主昏者。主昏者跪。搢笏受。

制書以授左右。奉玉官詣案取玉加于玄纁之上。進授使者。使者受玉帛以授主昏者。主昏者跪受玉帛。以授左右。儼者贊出笏。俛伏興平身。主昏者出笏。俛伏興平身。儼者引執事舉笏。表案進立于主昏者之後。少西。儼者取表進授主昏者。主昏者受表。跪進使者。使者受表置于案。儼者贊俛伏興平身。主昏者俛伏興平身。引禮引主昏者降階。就拜位立定。諸執事及使者各退就位立定。贊禮唱鞠躬拜興。拜興平身。主昏

者鞠躬拜興拜興平身。贊禮唱禮畢。僉者引主昏者退立于西。引禮引使者降自東階。執事者舉表案持節者前導至大門外。使者取表置綵輿中。退立于東。主昏者帥諸執事各受禮物及馬。其禮使者及使者復命。並如告吉之儀。

請期儀注

與納吉同。但請辭曰。制使某告期。主昏者答曰。臣謹奉制。

制文

答文

註並見前

臨軒命使用。后及奉迎儀注

前期太史院擇日。翰林院撰冊文及制文。工部造冊寶。輦衣首飾車輅儀仗。禮部備合用禮物。奏聞訖遣使告。

太廟。又取制。以某官為授冊使。某官為授寶使。某官為奉迎使。某官為奉冊官。某官為奉寶官。某官為主節官。某官為承制官。某官為奉制官。告示文武百官于。

皇城守宿。是日鍾鳴後。具朝服侍班。前一日內使監令設

御座香案于

奉天殿。如常儀。尚寶卿設寶案于

御座之南。侍儀司設

皇后冊寶案于香案之北。冊東寶西。設制書案于冊寶案之北。正中設主節官位于制書案之東。執節者二人位于主節官之左。差退俱西向。設承制官位于主節官之南。及

丹陛上之東南設捧制官。捧冊寶官位于冊寶案之西。東向。舉冊寶制書案舍人位于其後。設冊寶使及奉迎使拜位于

丹墀內道之西。北面東上。又設冊寶使及奉迎使受冊寶制書位于使者拜位之北。

丹陛下之正中。北向。設執鴈者并舉禮物者位于

丹墀下之西。俱東向。贊禮二人位于

丹陛上之南。東西相向。司贊二人位于使者拜

位之北。東西相向。知班二人位于司贊之南。東西相向。設文武百官侍立。位于

文武樓之北。文東武西。東西相向。引冊寶使及引奉迎使舍人二人。位于使者拜位之北。西立東向。引文武班舍人四人。位于文武班之北。稍後。東西相向。拱衛司、光祿寺官位于

奉天殿門之左右。將軍二人位于殿上簾前之左右。將軍六人位于

奉天殿門之左右。將軍四人位于

丹陛上之四隅。將軍六人位于

奉天門之左右。俱東西相向。鳴鞭四人位于

丹陛上。北向。是日金吾衛陳設甲士儀仗于

午門外之東西。陳設旗仗于

奉天門外之東西。拱衛司陳設儀仗于

丹陛。丹墀之東西。設遮蓋

制書黃羅蓋一。遮蓋冊寶紅羅蓋二于

奉天殿前。和聲郎設樂于

丹墀之南。備而不作。擊鼓初嚴。催班舍人催百

大明集禮 卷三十三 三十一
官具朝服。導駕官侍從官入迎。

車駕次嚴。引班舍人引文武百官入就侍立位。禮部官陳冊寶綵輿及制書綵輿于奉天門外。陳

中宮車輅儀仗冠服于綵輿之南。引禮引用冊寶使奉迎使各具朝服立于

丹墀之西。以伺諸執事者各就位。三嚴。侍儀奏外辦。御用監官跪奏請

皇帝具袞冕。尚寶卿侍儀導後如常儀。至

奉天殿。陞

御座。尚寶卿以寶置于案。捲簾鳴鞭。雞唱報時訖。禮部官以冊寶

制書各置于案。陳鴈及他禮物于

丹陛上。奉冊奉寶官立于冊寶案之西。東向。舉冊寶案舍人立于其後。主節官立于冊寶案之東西向。執節者二人立于其南。稍後。奉制官立于主節官之南。承制官立於奉制官之南。俱西向。引禮引用冊寶使奉迎使各就

丹墀拜位立定。贊禮唱鞠躬拜興拜興拜興。拜興。平身。冊寶使以下皆鞠躬拜興拜興拜興。平身。承制官進詣

御座前跪承制訖。興由中門出至

丹陛上宣制位。主節官率執節者由中門出。中陛降。立于使者之東北。西向。舉冊案舍人舉冊案。奉冊官從其後。皆由中門出。校尉各擎紅羅蓋遮護冊寶。由中陛降。以冊寶案置于

丹陛下之正中。舉冊寶案舍人退立于西。奉冊寶官立于冊寶案之東。引禮引授冊授寶使稍前。詣受冊寶位。北面立。承制官稱有制。典儀唱跪。冊寶使皆跪。承制官宣制曰。冊某氏為皇后。

皇帝制命爾某持節奉冊寶行禮。宣制訖。執節者脫節衣。以授主節官。主節官受節。以授授冊使。授冊使搢笏。跪受節。以授執節者。執節者跪受節。興立于冊使之右。奉冊官詣冊案取冊。西

向以授授冊使。授冊使跪受冊興。復置于案。出笏退。復位。奉冊官亦復位。奉寶官詣案取寶。西向以授授寶使。授寶使播笏。跪受寶興。復置于案。出笏退。復位。奉寶官亦復位。引禮引授冊授寶使退。就拜位。北向立。承制官由西門入。回奏訖。引禮引奉迎使稍前。詣受制位。北向立。承制官進詣

御座前跪承制。由中門出。至

丹陛上。舉制書案。舍人對舉制案。奉制官從其後。由中門出。校尉擎黃羅蓋遮護。

制書由中陛降。以制案置于冊寶案之前。舉制書案。舍人退。立于西。奉制官立于東。承制官稱有制。典儀唱跪。奉迎使跪。承制官宣制曰。

皇帝制命某官持節奉迎

皇后。宣制訖。執節者脫節衣。以節授主節官。主節官受節。以授奉迎使。奉迎使播笏。跪受節。以授執節者。執節者跪受節。興立于奉迎使之右。

奉制官詣案取

制書西向授奉迎使奉迎使跪受

制書興復置于案出笏退復位奉制官亦復位引禮引奉迎使退就拜位立定贊禮唱鞠躬拜興拜興拜興拜興平身冊寶使以下皆鞠躬拜興拜興拜興平身典儀唱禮畢舉案舍人各舉案出

奉天門。

制書在前冊次之寶次之仍以蓋遮護執鴈及

執禮物者由西陞陞各執物由

中陞降從于案後冊寶使奉迎使以次從出二執節者前導至

奉天門外奉迎使取

制書置綵輿中冊寶使取冊寶置綵輿中以次進發由

午門中門出。

皇后儀衛在前次車輅次冠服次鴈次禮物綵輿衆官從行于後至

皇后第。行冊禮。及奉迎如後儀。

受冊儀注

前一日。侍儀司設冊寶使幕次于

皇后第門外。設內使監官幕次于中門之外。設內外命婦幕次于中門之內。設尚宮及宮人幕次于

皇后閣外。設使者序立位于大門外之東。副使及內使監官于使者之南。執節者位于使者之北。少退。俱西向。設主昏者序立位于大門內之

西。東向。又設使副位于中門外之東。西向。執節者位于使副之北。設授冊寶內使監官及讀冊寶奉冊寶監官位于使副之北。西向。設主昏者位于奉冊寶之南。司贊二人位于中門之左右。東西相向。引使者二人位于司贊之南。東西相向。又設

皇后座于閣之正中。設冊寶案于

皇后座之南。設香案于閣門外之庭中。隨

闕所向。設權置冊寶案于香案之前。冊東寶西。

設

皇后受冊寶位于案前北向。設司言司寶二人位于

皇后位之西。東向。設授冊寶內使監官位于冊寶案之東。西向。設讀冊寶內使監官位于授冊寶使之北。西向。設尚宮傅姆位于

皇后之左右。設宮人侍立位于傅姆之後。東西相向。設內外命婦拜位于庭下。重行北向。尚儀二人位于

皇后拜位之北。東西相向。司贊二人位于內外命婦拜位之北。東西相向。其日侵晨。內外命婦各服其服。先至

皇后第幕次以伺。冊寶使奉迎冊寶至

皇后第。儀仗鼓吹分列于大門外之左右。備而

不作。陳冊寶綵輿于大門外之正中。進

皇后鹵簿儀仗重翟等車。以次列于大門之內。掌次延冊寶使入就次。內使監官入就次。尚宮及宮人先奉

皇后首飾禕衣入就次。冊寶使既至次。儂者引主昏者朝服立于大門內之西。內侍引內使監官序立于中門之外。引禮引冊寶使出次。詣綵輿前取冊寶置案上。立于大門外之東。執節者立于其北。儂者出詣使者前請曰。敢請事。使者曰。某奉制授。

皇后備物冊寶。儂者入告。遂引主昏者出迎。使者于大門外之南北面立。儂者唱鞠躬拜。興拜。興平身。主昏者鞠躬拜。興拜。興平身。使副不答。

拜。儂者引主昏者先入。立于中門外之西。東向。執節者導使副入。執節在前。持案者次之。使副從其後。至中門外。以案置于位。冊東寶西。使副各就位立定。持節者脫節衣。使者詣案取冊。以授授冊內使監官。內使監官受冊。以授內侍。內侍受冊。立于內使監官之右。副使詣案取寶。以授授寶內使監官。內使監官受寶。以授內侍。內侍受寶。立于授寶內使監官之右。舉案者以案退。使副亦退就位。內侍奉冊寶由中門入。授冊

寶內使監官及讀冊寶內使監官從入至閤門外。以冊寶置于案。尚宮及宮人奉

皇后首飾。褱衣入閤請。

皇后具首飾。褱衣訖。尚宮傅姆宮人內侍等導從。

皇后出宮。在前。傅姆次之。宮人四人執扇擁護。二人在前。二人在後。皆分列左右。宮人內侍皆從其後。至閤門外。降自東階。詣香案前。尚闕立。尚宮傅姆分立于左右。內侍引內外命婦就庭

下。分東西相向立。內使監官稱有制。尚儀奏拜興。拜興。

皇后拜興。拜興。尚儀奏讀冊。讀冊。內使監官進詣案取冊。讀冊于

皇后之右。讀訖。以授授冊。內使監官進授皇后。

皇后受冊。以授司言。司言受冊。捧立于

皇后之左。尚儀奏讀寶。讀寶。內使監官詣案取寶。讀于

皇后之右讀訖。以授授寶內使監官。授寶內使監官進授。

皇后。

皇后受寶。以授司寶。司寶受寶。捧立于

皇后之左。尚儀奏拜興拜興。

皇后拜興拜興。尚儀奏請陞座。尚宮傅姆導引

皇后由東階陞。即

御座。司言司寶捧用寶置于案。退立于左右。尚宮傅姆及宮人內侍應侍衛者各陞立于侍立

位。內侍引內外命婦就拜位。北向立。司贊唱拜興拜興。拜興拜興。內外命婦皆拜興拜興。拜興。內侍引命婦班首一人陞西階。詣

皇后座前致辭曰。伏惟

殿下坤象配天。德昭厚載。率土含識。不勝抃舞。賀訖。內侍引命婦由西階降。復位。司贊唱拜興拜興。拜興。拜興。內外命婦皆拜興拜興。拜興。拜興。司贊唱禮畢。尚儀奏禮畢。

皇后降座。尚宮傅姆仍導從。

皇后入閣。內外命婦送至閣。出就次。內使監官出告禮畢。冊寶使副退。主昏者禮宴使副。內使監官畢。冊寶使副復命。並如告期之儀。

奉迎儀注

前一日侍儀司設奉迎使副幕次于

皇后第大門之外。設內使監官次于中門之外。設尚宮及宮人次于閣門之外。設奉迎使者位于大門外之東西向。設制書案于大門外之正中。設主昏者序立位于大門內之西東向。又設

使者立位于正廳之東。西向。執節者位于其北。執鴈者位于其南。皆西向。設主昏者拜位于階下正中。北向。贊禮二人位于主昏者拜位之北。東西相向。設主昏者受制位于正廳之南楹。北面。設儼者二人位于贊禮之南。東西相向。引使者二人位于正廳南楹之左右。東西相向。設皇后御座于閣之正中。設香案于閣門外之庭中。隨

闕所向。設主昏者醮戒位于東階之上。西向。設

后母醮戒位于西階之上。東向。設尚儀二人。位于香案之左右。設司言司寶二人。位于皇后御位之南。司言在左。司寶在右。設尚宮傅姆侍立。位于

皇后御座之左右。東西相向。設宮人內侍侍立。位于尚宮傅姆之後。東西相向。其日奉迎使乘車持節備儀仗鼓吹。備而不作。迎。

制書綵輿至。

皇后第儀仗鼓吹。分列于大門外之左右。綵輿

置于大門外。制書案之南。執事者陳禮物于中門之內。

皇后儀仗車輅。陳于大門之內。掌次者延奉迎使入次。內侍延內使監官及尚宮宮人等各入就次。文武百官奉迎者皆朝服。立于大門之外。東西相向。立定。尚儀入閣。詣

皇后前請中嚴。尚宮及宮人諸擎執導從者各擎執入閣。分立于左右。引禮引奉迎使。詣綵輿前取。

制書置于案。退立于東。執節者立于其北。執鴈者立于其南。皆西向。僉者出。詣奉迎使前。請曰。敢請事。使者曰。某奉制。以令月吉辰。以禮奉迎。僉者入告。主昏者曰。臣謹奉典制。僉者出告。引入。主昏者迎于大門外之南。北向。僉者唱鞠躬。拜。興。拜。興。平身。主昏者鞠躬。拜。興。拜。興。平身。使者不答拜。僉者引主昏者先入。立於西階下。引禮。引奉迎使入。執節者前導。執鴈持案者次行。奉迎使後從。由中階陞。置案于廳之正中。奉迎

使立于制書案之東。執節者脫節衣。立于使者之北。執鴈者立于使者之南。僉者引主昏者就拜位。立定。贊禮唱鞠躬。拜。興。拜。興。平身。主昏者鞠躬。拜。興。拜。興。平身。僉者引主昏者由西階陞。至制書案前。奉迎使稱有制。僉者唱跪。主昏者跪。奉迎使進。詣案取

制書宣訖。以

制書授主昏者。主昏者措笏。跪受

制書。以授左右。執鴈者以鴈進授奉迎使。奉迎

使受鴈以授主昏者。主昏者受鴈以授左右。僎者唱出笏。俛伏。興平身。主昏者出笏。俛伏。興平身。執事者舉答表案進立于主昏者之後。少西。僎者取表進授主昏者。主昏者播笏受表。跪授奉迎使奉迎使受表。置于案。僎者唱俛伏。興平身。主昏者出笏。俛伏。興平身。僎者引主昏者降西階。至拜位。贊禮唱鞠躬。拜。興。平身。主昏者鞠躬。拜。興。平身。贊禮唱禮畢。僎者引主昏者退立于西。引禮引使者出。執節者加節衣。

前導持案者舉案。由中階出。使者後從。至大門外。取表置綵輿中。訖。奉迎使入。立伺于中門外之南。北向。拱衛司進。

皇后肩輿于階下。設重翟車于中門之外。鹵簿儀仗以次陳設于大門外之左右。尚儀奏外備。尚宮傅姆導引。

皇后首飾禕衣出閣。諸宮人擎執前後擁護至閣門外。陞堂。即

御座。尚宮傅姆及諸宮人侍御于左右。內侍出

中門外。至奉迎使前。東向立。贊禮唱鞠躬拜。興拜。興平身。奉迎使等皆鞠躬拜。興拜。興平身。進詣內侍前。曰。令月吉日。某等率職奉迎。內侍受以入。傳于司言。司言奏聞訖。尚儀奏請

皇后降

御座。尚宮傳姆導引

皇后降自東階。立于香案前。尚儀奏拜。興。興。皇后拜。興。拜。興。尚儀奏請

皇后陞堂。尚宮傳姆導引

皇后由東階陞。南向立。主昏者進于

皇后之東。西面戒之。曰。戒之敬之。夙夜無違命。

主昏者退。立于東階之上。西向。后母進于

皇后之西。東面施衿結帨。帨。佩巾。曰。勉之敬之。

夙夜無違訖。尚儀奏請

皇后乘輿。尚宮傳姆導引

皇后降階。升輿。宮人前後擎執擁護。六尚以下

侍從如常。至中門外。尚儀奏請降輿乘輅。

皇后降輿乘輅。導從出大門外。初

皇后將升輿引禮引文武百官分左右北向立于大門之外俟

皇后乘輅出尚儀奏

車駕少駐贊禮唱鞠躬拜興拜興拜興拜興平身文武百官皆鞠躬拜興拜興拜興拜興平身拜訖分東西相向立儀仗鼓吹及綵輿先發執節者前導奉迎使副從綵輿之後次文武百官行次

皇后鹵簿行次導

皇后內使監官乘馬行次冊寶綵輿行次

皇后車輅行尚宮傅姆及諸宮人皆乘輦行車輅之後內侍內使乘馬行宮人之後宿衛護衛官行內使之後甲士器仗從至

午門外鳴鐘鼓其鐘鼓所以聲告內外鹵簿止

奉迎使副奉答表先入復命並如冊后儀

同牢儀注

前一日內使監預設

皇后大次二一于

奉天殿門外之西南向。一于

皇宮內殿庭之南。北向。尚寢設

御幄于內殿之正中。設

皇帝御榻于

御幄中之東。西向。又設

皇后御榻于

御幄中之西。與

皇帝御榻相對。尚宮設

皇帝御巾洗一于殿之南。司巾宮人位于御洗

之南。司盥宮人位于御洗之北。皆西向。設

皇后御巾洗一于殿之北。司巾宮人位于后洗

之南。司盥宮人位于后洗之北。皆東向。設酒案

于

御幄之南。正中。陳御酒樽于案上。設四爵兩盃

于御酒樽之北。盃。古用匏。今以酒器代之。設御

食案二于酒案之北。其日晡後。

皇后車輅入

午門。至

奉天門外大次。回車南向。施步幛。繖扇等畢。內使監官進當車前跪。奏請

皇后降車乘輿。輿退復位。

皇后降車入大次。陞肩輿。宮人侍從各擎執如前儀。至

內殿庭大次。內使監令奏請

皇后降輿。執扇繖。籠宮人布列前後。尚宮導引

皇后入內殿庭之大次。嚴整以俟。內侍進詣

皇帝前。版奏請中嚴。御用監奏請

皇帝服通天冠。絳紗袍。內使監官及宮人擎執導從出至內殿。陞

御座。南向。左右侍御如常儀。

皇后入次。少頃。尚宮前奏請

皇后降座。

皇后興。尚宮導引出殿庭之西。東向立。內侍詣

皇帝前。版奏外辦。內使監令奏請

皇帝降座禮迎。

皇帝興。內侍導引降詣殿庭之東西向揖。
皇后以入。內侍導引。

皇帝先陞。尚宮導引。

皇后從陞。內侍奏請。

皇帝詣南御洗所。內侍奏盥手。宮人酌水。

皇帝盥手。內侍奏悅手。宮人以巾進。

皇帝悅手。內侍奏請。

皇帝就御榻前西向立。

皇帝盥手時。尚宮奏請。

皇后詣北御洗所。尚宮奏盥手。宮人酌水。

皇后盥手。尚宮奏悅手。宮人以巾進。

皇后悅手。尚宮奏請。

皇后就御榻前東向立。內使監令跪奏。請就御座。

皇帝。

皇后皆坐。

皇帝侍從立于御幄之東。

皇后侍從立于御幄之西。內使監官各舉食案。

進于

皇帝

皇后之前。

皇帝

皇后皆品嘗訖。尚食各徹饌。尚醞取爵酒進供于

皇帝

皇后。

皇帝

皇后皆飲訖。尚醞各徹虛爵。尚食再以饌進。

皇帝

皇后進饌訖。尚食徹饌如前。尚醞再取爵酒以進。

皇帝

皇后飲訖。尚醞徹爵如初。

皇帝

皇后三饌訖。尚醞取盞酌酒以進。

皇帝

皇后俱受盃飲訖。尚醞徹虛盃。內侍跪奏禮畢。
皇帝

皇后俱與內侍及內使監官宮人等導從。
皇帝入宮。尚宮及內使監官宮人等導從。
皇后入幄。尚宮奏請。

皇帝更禮服。尚寢奏請。

皇后服常服。

皇后從者餞。

皇帝之饌。

皇帝從者餞。

皇后之饌。

表謝儀注

詳見冊拜篇。

謁廟儀注

詳見冊拜篇。

皇后受內外命婦朝儀注。

詳見朝會篇。

皇帝受群臣賀儀注

納采 問名 納吉 納成 請期 同

集禮卷五 六十

使副

使副序立位

位官昏主

門

將軍

將軍

制官

執節

主簿

贊

贊

贊

用

用

用

文官侍立位

御座

位立侍官武


奉冊官

舉冊案

舉冊案

國家圖書館, NATIONAL CENTRAL LIBRARY, TAIWAN, R.O.C.

大明集禮卷二十五



國家圖書館, NATIONAL CENTRAL LIBRARY, TAIWAN, R.O.C.

方... 卷...

蘇州府志

卷之...

蘇州府志

蘇州府志

蘇州府志



國家圖書館, NATIONAL CENTRAL LIBRARY, TAIWAN, R.O.C.




大明集禮卷二十六

嘉禮十

皇太子納妃

總序

皇太子納妃。所以重胤嗣也。**周****秦**已上。莫攷其儀。**漢**制。皇太子納妃。以奉常迎。而不親迎。宋文帝時。太子納妃。儀文與納后不異。百官上禮。於太極殿西堂叙宴。**北齊**皇太子納妃。皇帝遣使納采。以宗正卿為使。問名。納吉。請期。皆如之。納



徵則以司徒及尚書令為使。親迎則以太尉為使。三日。妃朝皇帝於昭陽殿。又朝皇后於宣光殿。擇日。羣臣上禮。他日。皇太子拜閤。**隋**皇太子納妃。皇帝臨軒。遣使者受詔。納采問名。次擇日納吉。又擇日納徵。告期訖。命有司以特牲告廟。行冊禮。皇太子將親迎。皇帝臨軒。醮戒。妃至宮之明日。朝見。皇帝皇后。**唐**皇太子納妃。皇帝臨軒。遣使行納采問名。納吉。納徵。請期之禮。次遣官告宗廟。然後行冊禮。皇太子將親迎。皇帝臨

軒。醮戒。妃至宮。同牢於內殿。明日朝見。皇帝皇后。皇帝會群臣於太極殿。如正至之儀。**宋**皇太子納妃。其六禮皆與唐同。妃朝見之明日。又至皇帝。皇后閣內。行盥饋之禮。皇帝皇后復饗妃。如宮中之儀。今擬

國朝

皇太子納妃。

皇帝臨軒。命使納采問名。既卜吉。復命使納徵。請期。又遣官以特牲奏告。

宗廟遣使備冊寶禮物至

妃第行冊禮。

皇太子將親迎。

皇帝臨軒醮戒至

妃第親迎還宮同牢於內殿明日。

妃朝見

皇帝

皇后。

皇帝

皇后閤內行盥饋之禮。

皇帝

皇后宴饗

妃及

皇太子如宮中之儀。今考歷代儀文以著于篇。
冠服

隋皇太子納妃服衮冕九章。妃首飾花釵九樹。
服用褕翟衣。唐皇太子納妃皇帝臨軒遣使服
衮冕醮戒服通天冠絳紗袍。皇太子服衮冕九

章。妃服綸翟衣。首飾花九樹。**宋**皇太子納妃。皇帝遣使。醮戒。皆服通天冠絳紗袍。皇太子皆服袞冕執圭。親迎同。妃服與唐制同。今擬

國朝

皇太子妃冠服。見冠服篇。

車輅

見冊拜篇。車輅篇。

冊寶

見冊拜篇。

禮物

晉太子昏。納徵用玄纁束帛加璧。馬二匹。**東晉**

用玉璧一。獸皮二。**宋**文帝用珪璋各一。熊羆皮

各二。**北齊**皇太子聘禮。納采。問名。請期。親迎。皆

用羔羊一口。鴈一隻。黍稷米麵各一斛。納徵用

玄三匹。纁二匹。束帛十匹。大璋一。虎皮二。錦綵

六十匹。絹二百匹。羔羊一口。羊四頭。犢二頭。酒

黍稷稻米麵各十斛。從車百乘。**唐**納采。問名。納

吉。請期。親迎。皆用鴈。納徵用玄纁束帛。乘馬。穀

珪。宋六禮禮物皆與唐同。今擬

國朝

樂

唐遣使納采。展宮懸醮。戒於太極殿。設宮懸。宋大晟展宮架之樂於文德殿。皆備而不作。

祭告

唐皇太子納妃。納徵。告期訖。遣有司以特牲告于廟。宋皇太子將親迎。差官奏告太廟及諸陵。如常告之儀。今擬

國朝遣官以太牢告廟。其儀與常告同。

問名

唐使者納采畢。既出。立於門外。主昏者使僮者請事。使者曰。某將加卜筮。奉制問名。主昏者曰。制以某之子。備數於儲宮。臣某不敢辭。使者入陳鴈。主昏者再拜受鴈。曰。臣某第幾女。某氏出禮畢。主昏者曰。某公為某事。故至於某之室。某有先人之禮。請禮從者。其儀與天子納后醴賓同。今擬

國朝使者納采訖就再入問名其詳見問名儀注

納吉

唐皇太子納妃既問名卜吉皇帝復臨軒遣使者至妃氏第納吉既至妃第使者曰加諸卜筮占曰協從制使某也納吉主昏者曰臣某之子弗教唯恐不堪龜筮云吉臣某謹奉典制再拜受鴈又再拜其禮使者如問名之儀宋既問名乃遣使至妃氏第曰謀諸卜筮其占協從制使

某告吉主昏者曰臣某之子蠢愚懼弗克堪卜筮云吉惟臣之幸臣謹奉典制其受鴈禮使者皆與唐同今擬

國朝

皇太子納

妃既問名卜吉

皇帝御

奉天殿遣使納吉其詳見納采儀注

納徵

唐既納吉。遣使奉玄纁束帛乘馬。穀珪至妃氏第。納徵。既至。使者曰。制使某以玉帛乘馬納徵。儉者入告。主昏者曰。奉制賜臣以重禮。臣某祇奉典常。再拜稽首。北面受玉帛乘馬。又再拜。其禮使者如納吉儀。宋遣使奉玄纁玉珪至妃氏第。使者曰。卜筮不違。嘉偶既定。制使某以儀物告成。儉者入告。主昏者曰。奉制賜臣以重禮。臣某謹奉典制。其受玉帛禮使者皆與唐同。

國朝

皇太子納

妃遣使備物納徵。其詳見納徵儀注。

請期

唐既納徵。遣使者用鴈請期。至妃第。使者曰。詢於龜筮。某月日吉。制使某告期。主昏者受命。受鴈一如納吉之儀。宋遣使請期。使者至妃第。請曰。消辰之良。某月某日吉。制使某告期。主人曰。臣某謹奉制。再拜受鴈。其儀皆與唐同。今擬

國朝

皇太子納妃納徵訖。遣使請期。其儀詳見儀注。
奏告

唐既告期後。有司以特牲告廟如常禮。祝文臨時撰。**宋**告期後。太史局擇日。差官奏告太廟。景靈宮。諸陵。今擬

國朝

皇太子納妃既請期。遣官以特牲告

太廟。其儀與宗廟篇奏告儀同。

受冊

唐既告期。遣使持節奉冊寶。璽綬車輅儀仗鼓吹。掌嚴奉禴翟衣首飾至妃氏第。主昏者朝服出迎於大門之外。既入。使副以冊寶授內侍。內侍受冊寶以授典內。典內奉冊寶入立於閣外。傅姆贊妃出立於庭中。掌書跪取冊寶。興進立於妃前。司則贊妃再拜。訖。掌書以冊寶授司則。司則受冊寶進授妃。妃受。以授司閨。司則又贊妃再拜。訖。司則請妃陞座。官官以下皆再拜。訖。司閨引妃入閣。主昏者禮使者如禮賓之儀。**宋**

冊皇太子妃。遣使副奉冊印儀仗車輅。宮人奉首飾褱衣至妃第。使副以冊印授內侍。內侍受冊印入授內謁者。內謁者持冊印入立於庭中。傅姆贊妃出閣降階。向闕再拜訖。內侍奉印冊授妃。妃受冊印。以授執事者。又再拜。內侍引妃陞座。諸宮人皆再拜畢。傅姆引妃還內。今擬

國朝冊

皇太子妃。

皇帝遣使奉冊寶車輅儀仗。宮人奉冠服至

妃氏第行冊拜禮。其儀詳見儀注

醮戒

唐皇太子將親迎。服衮冕。備儀仗。乘金輅。左庶子負壘前導。至承天門下降輅。至東朝堂。皇帝服通天冠。絳紗袍。御太極殿。西向坐。羣官再拜訖。舍人引皇太子至樂懸南。北面再拜。舍人引皇太子詣西階脫舄。陞就席西南面立。尚食奉御酌酒進皇太子。皇太子再拜受爵。尚食薦脯醢。皇太子祭酒及脯醢訖。降席西南面坐。啐酒。

真爵。又再拜。舍人引皇太子進御座前東面立。皇帝命之曰。往迎爾相。承我宗事。勗帥以敬。皇太子曰。臣某謹奉制旨。遂再拜。舍人引皇太子降西階。納舄訖。舍人引出。宋皇太子納妃。將親迎。皇帝御文德殿。皇太子具衮冕入就位。百官朝服就拜位。皇太子搢圭。舞蹈再拜。百官皆搢笏。舞蹈再拜。引皇太子由西階陞。東面立。內侍進酒。皇太子跪。搢圭受醖。大官令奉饌。皇太子飲食訖。降階北面。又再拜。太常博士引皇太子

詣御座前。西面立。皇帝命之曰。親迎。惟古。趨辰之良。往帥以恭。皇太子曰。臣謹奉制。引皇太子降階北面。又再拜。訖。引出。今擬

國朝

皇太子將親迎。

皇帝御

奉天殿醮戒。其儀詳見儀注。

親迎

唐皇太子既受命。遂親迎至妃第。妃服綸翟衣。

花釵立于東房。主婦著禮衣。鈿釵立妃北。主昏者公服出迎大門之外。西面再拜。皇太子答拜。主昏者揖皇太子先入。皇太子執鴈從入。進當房戶前。北面跪奠鴈。再拜降出。傅姆導妃出。父戒之曰。戒之敬之。夙夜無違命。毋施襟結帨。命之曰。勉之戒之。夙夜無違。庶毋及門內施鞶。申之以父母之命。曰。敬恭聽宗爾父母之言。夙夜無愆。視諸襟鞶。妃出至輅後。皇太子授綏。姆辭不受。曰。未教不足與為禮。妃陞輅。乘以几。几。謂將上。

車而登。乘以几。尚安舒。姆加幪。幪制如明衣。架皇太子馭輪三周。馭者代之。皇太子出大門。乘輅還宮。妃仗次於後以行。**宋**皇太子親迎之禮與唐同。而無授綏馭輪之儀。今擬

國朝

皇太子親迎。具袞冕服。乘金輅。備儀仗至妃第。其詳見親迎儀注。

合巹

唐皇太子同牢之禮。設幄於內殿室。西廂東向。

設同牢之席於室內。皇太子西廂。妃東廂。席間容牢饌。設四爵兩盃。妃至宮門。鹵簿仗衛停門外。妃乘輅至左閤門外。降輅。就次整飾。司閩引妃詣內殿門西。東面立。皇太子揖妃以入。妃即席。西向立。皇太子東向立。司饌奉饌。設皇太子及妃座前。皇太子及妃俱坐。司饌設黍醬菹醢。皇太子及妃俱受祭於籩豆之間。司饌取黍稷及肺。進授皇太子及妃。皇太子及妃受黍稷及肺。皆祭訖。司饌嘗食。皇太子及妃皆食。三飯。卒。

食。司饌進酒。皇太子及妃俱再拜祭酒訖。三酌。用盃。卒爵。司饌徹饌。皇太子入東房。釋冕服。著袴褶。妃入幄。媵餽皇太子之饌。御餽妃之饌。**宋**皇太子同牢。設席於寢門之內。皇太子揖妃俱入。盥洗訖。掌事者設酒饌。皇太子揖妃皆坐。司饌告饌具。贊者二人奉酒以授皇太子及妃。皇太子及妃受酒飲畢。遂薦饌。再飲。三飲。如初儀。訖。皇太子及妃俱興。再拜。餘如唐儀。今擬。

國朝

皇太子及妃同牢。設幄於東宮之內殿。行同牢禮。詳見同牢儀注。

妃朝見

唐皇太子妃朝見。先設皇帝座於所御殿之東。西向。設皇后座於室戶外之西。近北南向。其日。妃沐浴服綸翟首飾。乘厭翟車至宮。降車。立於閣外之西。皇帝服通天冠絳紗袍。皇后服褱衣首飾。皆即御座。妃奉筭。竹器。緇裏。棗栗。司饌執脩。亂切。以後。司則引妃入。立於庭。北面再拜。訖。

司言引妃陞自西階。跪奠棗栗於御座前。皇帝撫之。司言引妃降立於庭。又北面再拜。訖。司言引妃陞。跪奠脩於皇后座前。皇后撫之。司言引妃退立於西序。東向再拜。司設設妃席於戶牖之間。司言引妃再拜受醴。尚食薦脯醢。妃祭畢。降席取解。坐奠訖。興祭於豆間。食畢。司賓引妃降自西階。出閣。乘車還宮。**宋**妃朝見。皇帝皇后。其儀與唐同。皇帝皇后醴。妃如宮中儀。今擬

國朝

皇太子妃朝見則於宮中內殿奉棗栗服脩行朝見之禮其儀詳見儀注。

盥饋

宋太子妃既朝見則有盥饋之儀其日妃夙興沐浴服綸翟首飾至閣外候皇帝進膳司賓引妃入再拜訖奉膳進置於皇帝前司賓引復位又再拜訖司賓引妃出詣皇后閣外俟皇后進膳妃再拜奉膳進皇后如前儀又再拜司賓引妃出皇帝皇后饗妃如宮中之儀今擬

國朝

皇太子妃既朝見盥饋於

皇帝

皇后其儀見盥饋儀注。

會羣臣

唐制皇太子納妃皇帝會羣臣於太極殿如正至之儀唯上壽辭云皇太子嘉聘禮成克崇景福某等不勝慶抃謹上千秋萬歲壽。

遣使儀注

前期禮部移文太史院擇日。奏聞命所司備鴈及他禮物以伺。又取制命某官為使某官為副使。告示文武百官於

皇城守宿。至日鐘鳴後具朝服侍班。前一日內使監設

御座香案於

奉天殿正中。如常儀尚寶卿設寶案於御座之南。禮部官陳設鴈及他禮物於丹陛上。侍儀司設承制官位於殿上。

御座之東及

丹陛之東南設使者及副使拜位於

丹墀內道之西。東上北向。贊禮二人於

丹陛上之南。東西相向。司贊二人位於使者拜位之北。東西相向。知班二人位於司贊之南。東西相向。文武百官侍立於

文武樓之北。東西相向。設引文武班舍人四人位於文武官之北。稍後東西相向。引使者二人位於使者拜位之北。西立東向。拱衛司光祿寺

官對立於

奉天殿門之左右。東西相向。將軍二人位於殿上簾前。東西相向。將軍六人位於

奉天門之左右。東西相向。又將軍四人位於

丹陛上之四隅。東西相向。又將軍六人位於

奉天殿之左右。東西相向。鳴鞭四人於

丹陛上。北向。設執鴈及執禮物者位於

丹陛下之西。東向。是日。金吾衛陳設甲士儀仗於

午門外之東西。拱衛司陳設儀仗於

丹墀

丹陛之東西。和聲郎設樂於

丹墀之南。備而不作。侍儀司陳設儀仗。大樂於

奉天門外正中。質明。擊鼓初嚴。催班舍人催百

官具朝服。導

駕官侍從官入迎

車駕。次嚴。引班舍人引文武百官入就侍立位。

引禮官引使者具朝服立

丹墀之西以伺諸執事者各就位。三嚴侍儀奏外辦御用監跪奏請

皇帝服袞冕尚寶卿奉

寶前導侍從導引如常儀至

奉天殿陞

御座捲簾鳴鞭雞唱報時訖引禮引使者及副使各就

丹墀拜位贊禮唱鞠躬拜興拜興拜興拜興平身使副鞠躬拜興拜興拜興拜興平身承制官

進詣

御座前跪承制訖由中門出至

丹陛上宣制位稱有制贊禮唱跪使副皆跪承制官宣制曰奉制納某氏女為

皇太子妃。

皇帝制使卿等行納采禮宣制訖承制官由西門入典儀唱俯伏興平身使副俯伏興平身贊禮唱鞠躬拜興拜興拜興拜興平身使副鞠躬拜興拜興拜興拜興平身引禮引使副退立於

月日集禮 卷二十一 二十一
西執鴈者及執禮物者由西階陞。取鴈及他禮物自中陞降。執鴈者在。前。執禮物者次之。使者從其後。至。

奉天門外。儀仗鼓吹導引以行。初使者出。贊禮唱禮畢。侍儀跪奏禮畢。

皇帝駕興。百官以次出。

納采儀注

前一日。有司設使副次於

妃氏大門外。南向。設使副序立。位於大門外之

東。西向北上。設主昏者序立。位於大門內之西。東向。設香案於廳上之正中。設使副立。位於香案之東。西向北上。設主昏者受制。位於香案之南。北向。設贊禮。位於廳下。主昏者拜位之北。東西相向。設儼者二人。位於贊禮之南。東西相向。設引使者二人。位於廳上。南楹之左右。東西相向。其日。使者奉制。執鴈及禮物至。妃氏第。儀仗鼓吹。分列於大門外之左右。使者下馬。引禮引入次。執事者陳禮物於大門之外。

賓者引主人朝服序立於大門內之西。東向引禮引使者出。次立於大門外之東。執鴈者立於其南。皆西向。賓者出。詣使者前曰。敢請事。使者曰。奉制。

儲宮納配。屬於令德。邦有典常。使某行采擇之禮。賓者入告。主昏者曰。臣某之子。昧於閭儀。不足以備采擇。恭承制命。臣某不敢辭。賓者出告。訖。入引主昏者出。迎於大門之南。北面立。贊禮唱鞠躬。拜興。拜興。平身。主昏者鞠躬。拜興。拜興。

平身。使者不答拜。主昏揖使者先入。立於西階之下。引禮引使者陞自東階。立於香案之東。執鴈者立於使者之南。執事者陳禮物於庭。賓者引主昏者就拜位。贊禮唱鞠躬。拜興。拜興。拜興。平身。主昏者鞠躬。拜興。拜興。拜興。平身。賓者引主昏者陞自西階。至香案前。北向立。使者稱有制。賓者唱跪。主昏者跪。使者宣制曰。某奉詔采擇。執鴈者以鴈授使者。使者受鴈以授主昏者。主昏者受鴈。興以授左右。賓者引主

昏者降自西階。就拜位立定。贊禮唱鞠躬。拜興。拜興。拜興。拜興。平身。主昏者鞠躬。拜興。拜興。拜興。平身。贊禮唱禮畢。僎者引主昏者退立於西階。引禮引使副降自東階以出。主昏者帥諸執事各收禮物。

問名儀注

使副納采既出。立於中門外之東西面。主昏者立於西階之下。僎者進受命。出詣使者前曰。敢請事。使者曰。

儲宮之配。采擇既諧。將加卜筮。奉制問名。僎者入告。主昏者曰。制以臣某之女。可以奉侍

儲宮。臣某不敢辭。僎者出告訖。入引主昏者出

迎使副於中門外之南北面。贊者唱鞠躬。拜興。拜興。平身。主昏者鞠躬。拜興。拜興。平身。使者不答拜。僎者引主昏者先入。立於西階之下。引禮引使副入門。陞自東階。立於香案之左。執鴈者立於使者之南。皆西向。執事者各陳禮物於庭。僎者引主昏者就拜位。贊禮唱鞠躬。拜興。拜興。

平身。主昏者鞠躬拜興。拜興平身。儗者引主昏者升自西階。至香案前。北向立。使者稱有制。贊禮唱跪。主昏者跪。使者曰。臣某奉詔問名。將謀諸卜筮。主昏者曰。臣某第幾女某氏出。被預采擇。聞命祇懼。既蒙制問。臣不敢辭。執鴈者以鴈進授使者。使者受鴈以授主昏者。主昏者受鴈興。以授左右。儗者引主昏者降東階。就拜位立。贊禮唱鞠躬拜興。平身。主昏者鞠躬拜興。拜興平身。贊禮唱禮畢。儗者引主昏者退立於

西。引禮引使者降自東階。立於中門外之東西面。儗者受主昏者之命。出詣使者前。請曰。某公奉制命至某之室。請禮從者。使者曰。某既得將事。敢辭。儗者入告。主昏者曰。先人之禮。敢固以請。儗者出告。使者曰。某辭不獲。聞命敢不從。執事者徹香案。引禮引使者入。陞階即座。行飲食之禮。主昏者奉幣禮。使者畢。使副還。主昏者送于門外。

告吉儀注

前一日。有司設使副次於

妃氏大門之外。設使副序立位於大門外之東。西向北上。設主昏者序立位於大門內之西。東向。設香案於廳上之正中。設使副立位於香案之東。西向北上。設主昏者受制位於香案之南。北向。設贊禮位於廳下。主昏者拜位之北。東西相向。設儂者二人位於贊禮之南。東西相向。設引使者二人位於廳上南楹之左右。東西相向。其日。使者奉制執鴈及禮物至。

妃氏第儀仗鼓吹分列於大門外之左右。使者下馬。引禮引入次。執事者陳禮於大門之外。儂者引主昏者朝服序立於大門內之西。東向。引禮引使者出次立於大門外之東。執鴈者立於其南。皆西向。儂者進受命。出詣使者前請曰。敢請事。使者曰。謀諸卜筮。其占協從。制使某告吉。儂者入告。主昏者曰。臣某之子蠢愚。懼弗克堪。卜筮云吉。惟臣之幸。臣謹奉典制。儂者出告訖。入引主昏者迎於大門外之南。北面贊禮唱鞠。

躬拜興拜興平身。主昏者鞠躬拜興拜興平身。儂者引主昏者揖使者先入。立於西階之下。引禮引使者入。陞自東階。立於香案之左。執鴈者立於使者之南。俱西向。執事者陳禮物於庭。儂者引主昏者就拜位。北向立。贊禮唱鞠躬拜興。拜興平身。主昏者鞠躬拜興拜興平身。儂者引主昏者自西階陞。至香案前。北向立。使者稱有制。儂者唱跪。主昏者跪。使者宣制曰。奉制告吉。執鴈者以鴈進授使者。使者受鴈。以授主昏者。

主昏者跪受鴈。興。以授左右。儂者引主昏者降自西階。就拜位。立定。贊禮唱鞠躬拜興。拜興平身。主昏者鞠躬拜興拜興平身。贊禮唱禮畢。儂者引主昏者退。立於西。引禮引使者出。立于中門外之東。儂者出。請使者禮待。如問名之儀。

納徵儀注

前一日。有司設使副次於

妃氏大門之外。南面。設使者序。立位於大門之東。西向北。上。設主昏者序。立位於大門內之西。

東向。設香案於廳上之正中。設使副位於香案之東。西向北上。設主昏者受制位於香案之南。北向。設贊禮位於廳下。主昏者拜位之北。東西相向。設僎者二人位於贊禮之南。東西相向。設引使者二人位於廳上南楹之左右。東西相向。其日。使者奉玄纁束帛穀珪至。

妃氏第大門外。儀仗分列於門外之左右。引禮引使者入就次。執事者陳設禮物於大門外。設玉帛案於正中。僎者引主人立於大門內之西。

引禮引使者出次。立於大門外之東。僎者進受命。出詣使者前請曰。敢請事。使者曰。卜筮不違。嘉偶既定。制使其以儀物告成。僎者入告。主昏者曰。奉制賜臣以重禮。臣其謹奉典制。僎者出告訖。入引主昏者出迎於大門外之南。北面贊禮。唱鞠躬拜興。拜興平身。主昏者鞠躬拜興。拜興平身。使者不答拜。僎者引主昏者揖。使者先入。立於西階之下。引禮引使副入。執事者舉玉帛案先行。奉玉帛者次之。諸執禮物者又次之。

至廳。執事者以玉帛案置於香案之北。使者立於玉帛案之左。奉玉帛者立於使者之南。稍後。舉案者退立於西。諸執事者各陳禮物於庭。僎者引主昏者就拜位。贊禮唱鞠躬。拜興。拜興。平身。主昏者鞠躬。拜興。平身。僎者引主昏者陞自西階。至玉帛案前。使者稱有制。僎者唱跪。主昏者跪。使者宣制曰。某奉制告成。奉玉帛者就案取玉帛以授使者。使者受玉帛以授主昏者。主昏者跪受玉帛。興以授左右。僎者引主昏

者。降自西階。就拜位立定。贊禮唱鞠躬。拜興。拜興。平身。主昏者鞠躬。拜興。平身。贊禮唱禮畢。僎者引主昏者退立於西。引禮引使副降自東階以出。主昏者帥諸執事各收禮物。

請期儀注

其儀與納吉同。唯辭曰。詢於龜筮。某月某日制使某告期。主昏者曰。敢不承命。

祭告儀注

其儀見宗廟篇。

大明集禮 卷二十二
遣使奉冊儀注

前期太史院擇日翰林院撰冊文工部造冊寶
綸翟首飾車輅儀仗禮部備合用禮物及冊寶
案訖奏取

旨以某官為授冊使某官為授寶使某官為奉
冊官某官為奉寶官某官為主節官某官為承
制官告示文武百官於

皇城守宿是日鳴鐘具朝服侍班前一日內使
監令設

御座香案於

奉天殿如常儀尚寶卿設寶案於

御座之南侍儀司設

妃冊寶案於

皇帝寶案之南冊東寶西設主節官位於冊寶
案之東執節者立於其左差後俱西向設承制
官位於主節官之南及

丹陛上之東南設奉冊官奉寶官位於冊寶案
之西東向舉冊寶案舍人位於其後設冊寶使

位於

丹陛內道之西。北面東上。又設冊寶使受冊寶位於使者拜位之北。

丹陛下之正中。北向。贊禮二人位於

丹陛上之南。東西相向。司贊二人位於使者之北。東西相向。知班二人位於司贊之南。東西相向。設文武百官侍立位於

文武樓之北。文東武西。東西相向。引冊寶使舍人二人位於使者拜位之北。西立東向。引文武

班舍人四人位於文武班之北。稍後東西相向。拱衛司。光祿寺官位於

奉天殿門之左右。東西相向。將軍二人位於殿上簾前之左右。東西相向。將軍六人位於殿門外之左右。將軍四人於

丹陛上之四隅。將軍六人於奉天門之左右。皆東西相向。鳴鞭四人位於丹陛上。北向。是日。金吾衛陳設甲士儀仗於午門外之東西。旗仗於

奉天門外之東西。拱衛司陳設儀仗於
丹陛

丹墀之東西。設蓋冊寶紅羅蓋二於
奉天殿前。和聲郎設樂於

丹墀之南。設而不作。擊鼓初嚴。催班舍人催百官具
朝服。導

駕官侍從官入迎

車駕次嚴。引班引文武百官入就侍立位。禮部
官陳冊寶綵輿於

奉天門外。陳

皇太子妃車輅儀仗冠服等物於冊寶輿之南。
引禮引冊寶使具朝服入立於

丹墀之西。以伺。諸執事者各就位。三嚴。侍儀奏
外辦。御用監官跪奏請

皇帝具袞冕。尚寶卿侍儀奉迎。導從如常儀。至
奉天殿。陞

御座。尚寶卿以

寶置於案。捲簾鳴鞭。雞唱報時訖。禮部官以冊

寶各置於案。奉冊寶官立於冊寶案之西。東向。舉冊寶案舍人立於其後。主節官立於冊寶案之東。執節者立於其南。稍後。俱西向。承制官立於主節官之南。西向。引禮引冊寶使副各就丹墀。拜位立定。贊禮唱鞠躬。拜興。拜興。拜興。與。平身。冊寶使以下鞠躬。拜興。拜興。拜興。與。平身。承制官進詣

御座前跪。承制訖。興。由中門出。至

丹陛上宣制位。主節官率執節者由中門出。中

陛降。立於使者之東北。西向。舉冊案舍人舉冊案。奉冊官從其後。舉寶案舍人舉寶案。奉寶官從其後。皆由中門出。校尉各擎紅羅蓋遮護冊寶。由中陛降。以冊寶案置於

丹陛下之正中。舉冊寶案舍人退立於西。奉冊寶官立於冊寶案之東。引禮引冊寶使稍前。詣受冊寶位。北向立。承制官稱有制。贊禮唱跪。冊寶使皆跪。承制官宣制曰。冊某氏為皇太子妃。

皇帝制命爾某持節奉冊寶行冊禮。宣制訖。執節者脫節衣。以授主節官。主節官受節。以授授冊使。授冊使搢笏。跪受節。以授執節者。執節者復受節。興。立於冊使之右。奉冊官詣冊案前取冊。西向以授授冊使。授冊使跪受冊。興。復置於案。出笏。退。復位。奉冊官亦退。復位。奉寶官詣寶案前取寶。西向跪授授寶使。授寶使跪受寶。興。復置於案。出笏。退。復位。奉寶官亦復位。引禮引授冊授寶使。退就拜位。北向立。承制官由西門

入。回奏訖。贊禮唱鞠躬拜。興。拜。興。拜。興。平身。授冊寶使皆鞠躬拜。興。拜。興。拜。興。平身。贊禮唱禮畢。舉冊寶舍人各舉案出。奉天門。仍以蓋遮護。執節者前導。至奉天門外。授冊寶使取冊寶置綵輿中。以次進發。由

午門中門出。

皇太子妃儀衛在前。次車輅。次冠服。次禮物。次冊寶輿。使者從行於後。至

大明集禮 卷二十六
皇太子妃第。行冊禮如後儀。

妃受冊儀注

前一日。有司設使副次於

妃氏大門之外。又設內使監官以下次於中門之外。設宮人次於

妃氏閣外道。西東向。設使者序立於大門外之東。副使及內使監官位於使者之南。執節者位於使者之北。少退俱西向。設主昏者序立位於大門內之西。又設使副位於中門外之東。西

向。執節者位於使副之北。設授冊寶內使監官位於使副之北。西向。設奉冊寶內使監官位於中門外之西。設主昏者位於奉冊寶內使監官之南。皆東向。贊禮二人位於中門之左右。東西相向。引使者二人位於贊禮之南。東西相向。又設

皇太子妃座於閣之正中。設冊寶案於妃座之南。設香案於閣門外之庭中。隨闕所向。設權置冊寶案於香案之前。冊東寶西。

設

皇太子妃受冊寶位於案前北向。設奉冊寶宮人二人位於

妃拜位之西東向。設授冊寶內使監官位於冊寶案之東西向。設傅姆二人位於

妃之左右。設宮人侍立位於傅姆之後。東西相向。設宮人拜位於庭下。重行北向。典內二人位於

於妃拜位之北東西相向。司贊二人位於宮人拜

位之北。東西相向。其日侵晨冊寶奉迎

皇太子妃冊寶車輅儀仗冠服禮物至

妃氏第。儀仗鼓吹列於大門外之左右。備而陳不作。

冊寶綵輿於大門外之正中。進鹵簿儀仗厭翟

車等以次列於大門外。奉冊寶使入就次。內侍

延內使監官入就次。宮人先奉

妃首飾褕翟衣入就次。儻者引主昏者朝服立

於大門內之西。內侍引內使監官序立於中門

外。引禮引冊寶使副出次。詣綵輿前取

冊寶置於案。立於大門外之東。執節者立於其北。儼者進受命。出詣使者前請曰。敢請事。使者曰。某奉制授。

皇太子妃冊寶儀物。儼者入告。主昏者曰。臣謹奉制。儼者出告訖。入引主昏者迎於大門之外。北面贊禮。唱鞠躬。拜興。拜興。平身。主昏者鞠躬。拜興。拜興。平身。使副不答拜。儼者引主昏者揖。使者先入。持節者前導。舉案者次之。使副從其後。至中門外。各就位。立定。持節者脫節衣。使者

詣案取冊以授。授冊內使監官。內使監官以授內侍。內侍受冊。立於授冊內使監官之右。副使詣案取寶以授。授寶內使監官。內使監官受寶以授內侍。內侍受寶。立於授寶內使監官之右。舉案者以案退。使副亦退。就位。內侍奉冊寶由中門入。授冊寶內使監官。後從。至閣門外。以冊寶權置於案。官人奉。

妃首飾。榆翟入閣。請。

妃具服。傅姆官人內侍等導從。